

Balua na bini
gba Polo pi omabhuka na gudhu
na
Kolito
Eli na kalanu

Balua na bini inde li Polo aye nani e pi okpala na Kolito-o, ani aye nani pindji ongu atsia mukobho gba omakilisito di ne nabhuka inde ali bhú Piga gba Ebhe nani li Polo a'o e bhú gudhu na Kolito-o. Bhú nedhinga ango-o, Kolito nani ne gudhu na ngbéngbé gba oGiliki inde li okpala ngangá apo bhula o bhú e-o, a ko 'ngbé gudhu na ndu doto na Akayi inde bhú nau na Loma-o . 'Li gudhu na Kolito au nani naali ka oehe na mase inde adu bhúbhú bhele-o, ne ka dasundu gba okpala ango-o, ne engú na zabhe inde adu bhúbhú naali-o, a la di-e ongangá engú na ebhe inde abedhe nani bhúbhú bedhe-o. Engú na ngbéngbé inde li Polo adu agu gbele ne e, a ko engú nagbo bhusu o, engú na zabhe inde adu bhú Dadjua gba Ebhe-o, ne ongu inde u ayi e pindji bhoko ne elø, ne pindji naha lio, pindji bua nakpokpo kú 'ngú, pindji namene 'ngú li kúkú bhú Dadjua gba Ebhe, pindji ehe li Bu Bhobua ngaha e padhá, a la di-e pindji nazuku gba okpala-o. La, Polo atsia asuno imbilangu gba e ne nasuno lele maka li Bádha Ngali ngagama 'ngú li ongu ango-o lie-o.

Alo na (13) inde ngasuno mukunda maka ehe na babadha naali inde li Ebhe ngaha e pi omaha

e padhá-a, okpála mbíla 'ngú pindji alo (13) ndjikpa ne ká bata-a naali ane oalo koko hana bhú bhuku inde. A ko engú inde li okpála ambíla e ane mane bhú bhuku inde ngae.

Ongbengbe ongú inde bhú bhuku inde-e ngae inde:

Eli na kalanu 1:1-9

Nagbogbo bhusu o bhú Dadjua gba Ebhe 1:10 - 4:21

Dasundu na ndjindji gba elø ne bhoko, di ne piga gba e 5:1 - 7:40

Omakilisito a la di-e omapagano 8:1 - 11:1

Makobho na Dadjua gba Ebhe a la di-e engú na Ebhe 11:2 - 14:40

Nazuku gba Kilisito a la di-e nazuku gba omabhuka 15:1-58

Naha makiso pi omakilisito na Yudaya 16:1-4

Engú nayi mayi a la di-e engú bhe na soso 16:5-24

Polo yi omabhuka na gudhu na Kolito mayi

¹ Ngama Polo, Ebhe a'i ma bhú ngu e me ma kolo bhulu titima gba YesuKilisito . Ya aye balua inde bhú dabili bini ne ndai ní Sosotene. ² Ya aye pi yi okpála na Dadjua gba Ebhe inde bhú gudhu na Kolito, ngayi okpála inde li Ebhe a'o o kpi pi e. Yi akolo okpála gba ani ka nabhuka Yesu Kilisito, bhú dabili bini ne ndu okpála hana inde ngabhu 'li Ngámá gba ní Yesu Kilisito ne ndu bili hana-o. Yesu ne Ngámá gba uo, a ko la di Ngámá gba ní-o. ³ Bádha bhú 'bu ne guo 'ngú gba 'Dyi ní Ebhe di ne Ngámá gba ní Yesu Kilisito-o du ne yi bhú dabili bini.

Obabadha 'ngú inde li Ebhe aha e pi okpála na Kolito bhú bádha bhú 'bu gba e-o

⁴ Ma ngagie heni pi Ebhe ndu nedhinga hana ngubula yi kabula bádha bhú 'bu inde ani aha e pi yi li kpadji gba Yesu Kilisito-o. ⁵ Bhú makpètse gba yi ne Yesu Kilisito-o, Ebhe abedhe yi ne ndu obabadha ongú hana. Kaka-a, yi mbila nadi mabelu li eli gba ani-e ndjindji, a la di bhú 'ndji yi ne imbilangú bhú ndu 'ngú hana. ⁶ Ngali gba Yesu Kilisito inde ya akpokpo e pi yi-e, asia dabili li bua yi ndjindji. ⁷ Kaka-a, yi asia ndu 'he hana inde li Ebhe ngaha e pi okpála bhú bádha bhú 'bu gba e-o, ngayi okpála inde ngadjeke ekpí li Ngámá gba ní Yesu Kilisito asúno matá lie lie pi okpála-o. ⁸ Ani atéteke yi ngae me yi lu kpekpeke akólo li soso, amba kpála bini adú ne engú na sisiti napapa li yi de, li 'kpí li Ngámá gba ní Yesu Kilisito agó lie-o. ⁹ Ebhe gba ní-e djidji 'li e de. Ani a'i yi me yi kpètse liyi ne Ndili gba ní Yesu Kilisito, Ngámá gba ní-o, ani djí 'li e bhomu-o de.

Omakilisito na Kolito agbogbo bhusu o

¹⁰ Ondaise ma, ma ngakikiliki lima pi yi ne 'li Ngámá gba ní Yesu Kilisito me, yi du ndu yi hana ne koli bua bini, yi agbógbo bhusu yi de. Yi gbite 'ngbo yi bini ne nade ne mabhundja bini di ne nabhuka bini. ¹¹ Ondaise ma, ma pa mo-o padhá de, a ko anga okpála na piga gba Koloe apa muma me yi ngadje liyi ade. ¹² Engú ma apa e bhomu-o, ma apa anga sunda yi-e, yi ngagbogbo bhusu yi. Okpála koko ngapa me o ngakpata Polo. Okoko ngapa me o ngakpata

Apolosi.† Okoko ngapa me o ngakpata Piele. Okoko ngapa me o ngakpata Kilisito. ¹³ Engú yi ngamene e mana mágito me Kilisito agbo bhusu e magbo. Yi pa nga muma, u agi nani ma Polo li kulusi ngú nakobho yi uu? Yi asia nani batisimo ne 'li ma Polo? A mo-o ade.

¹⁴ Ma ngagie heni pi Ebhe anga ma batisa kpála bini bhú ka yi de. Ma abatisa bha bini Kilisipusi ne uo ne Gayusi† ¹⁵ Kaka-a, kpála bini ti da napa de me u abatisa yi ne 'li ma-a de. ¹⁶ A ko paká! Ma abatisa di nani piga gba Setefanasi.† Engú bini, ma ziba de me ma abatisa kpála koko uu-o de. ¹⁷ Padhá de, anga Kilisito tima nani ma ngú nabatisa okpála de. Engú bini, ani atima ma ngú nakpokpo Bádha Ngali pi uo. Ma ngakpokpo Bádha Ngali ango-o ne mabelu má pua pua maka okpála koko ade. Li ma dú nakpokpokpo ne mabelu maka okpála koko-o, nakpi gba Kilisito li kulusi-e de matá ne tata ade.

Yesu Kilisito pi ní ne angu di ne imbilangɔ inde ayie ka Ebhe

¹⁸ Padhá de, anga pi okpála bhende li kpadji na ngita-a, nakpokpo ngali pindji nakpi gba Yesu li kulusi-e, a ko 'ngú na pele. Engú bini, pi ní obhende li Ebhe ngakobho o-o, ní ngau angu gba Ebhe-e bhú ngali ango-o. ¹⁹ A maka u aye lie bhú Bhuku gba Ebhe-e me:

«Ma améne me imbilangɔ gba obhulu imbilangɔ-o kolo padhá.

† **1:12** 1:12 Tsia bhú 1 Kol. 16:12; di ne bhú Kul. 18:24-28.

† **1:14** 1:14 Tsia bhú Kul. 18:8, 19:29. † **1:16** 1:16 Tsia bhú 1 Kol. 16:15-17.

Ma aú imbilangu gba uo bhú djila ma maka ehe na padhá.†»

²⁰ I ðu me Ebhe nde apa mo-o, a akunda napa me, okpála na imbilangu na doto inde-e, imbilangu gba uo bhú 'ngú de. Okpála inde ngasuno olíli gba omaYuda-a, tata li nasuno gba uo ade. La di-e, obhulú nadi mabelu na sùkú inde-e, mabelu gba uo-o, tata tété ade. Ebhe asuno bhomu-o me imbilangu na doto inde-e padhá. ²¹ Padhá de, anga okpála na doto ne imbilangu gba o na kpála-kuti-e ti da nani nambila imbilangu gba Ebhe-e de. Kaka-a, li kpadji na engú inde li okpála ngau e bhú djila o maka engú na pele-e, Ebhe au ndjindji me ni kobho okpála inde ngabhuka-o. Engú na pele ang-o-o, a ko Bádha Ngali inde ya ngakpokpo e-o.

²² OmaYuda ngayo ongamba 'ngú kala me u bhuka, oGiliki naao ngagili imbilangu. ²³ La pi ya-a, ya ngakpokpo 'ngú gba Kilisito inde u agi e li kulusi-o. Li omaYuda ngadje engú ang-o-o lie, a ngangbingi 'ndji uo mangbingi. Li okpála bhende ne omaYuda ade-e ngadjedje lie, a ngamene uo maka engú na pele. ²⁴ Engú bini, pi okpála bhende li Ebhe alo o-o, i ðu di-e omaYuda, i ðu di-e obhende ne omaYuda ade-e, u ngambila ndjindji me Yesu Kilisito akolo pi o angu di ne imbilangu inde ayie ka Ebhe-e ngae. ²⁵ Okpála koko ngapa me engú li Ebhe amene e bhú nakpi ka Yesu-o, a ko 'ngú na pele. Engú bini, engú inde u a'i e me a ko 'ngú na pele bhomu-o ane

† **1:19** 1:19 Tsia bhú Iša. 29:14.

imbilangu gba kpála-kuti mane. I du me u nde ngabhundja me Ebhe bhubhuku-o, a mo-o ade. Padhá de, anga bhuku gba Ebhe-e ane angu gba okpála-kuti ne kpéke.

Ebhe nga'o tata li ehe inde li okpála ngau e bhú djila o padhá

²⁶ Ondaise ma, ngayi okpála li Ebhe a'i o-o, yi bhundja nga me yi ne oda-ie! Nakpata mabhundja gba okpála na doto-o, okpála na imbilangu, ne obhende na angu, ne obhende azu lio bhú piga na tia bhú ká yi bhelé ade. ²⁷ Engú bini, Ebhe alo engú li okpála na doto nga'i e me a ko engú na pele-e ngubula me imbilangu gba obhulu imbilangu-o kolo ehe na padhá. Aní alo ongú bhende li okpála na doto ngau e me angu bhúbhú ade-e ngubula me angu gba bhulu angu-o kolo ehe na padhá. ²⁸ Aní alo ohe inde li tata nde lie e ade, inde li okpála na doto ngamu e, inde u ngau e bhú djila o padhá-o. Aní alo ngubula me ní bhili ohe bhende li okpála ngau e me a tété ne tata-a ne di.

²⁹ Kaka-a, kpála bini ti da naje kute e kala Ebhe de. ³⁰ La ngayi-e, Ebhe akpøtø yi bhú dabili bini ne Yesu Kilisito. Aní amene me Yesu kolo pi ní imbilangu inde ayie ka ni-o. Yesu amene ngae me ní kolo ngbingbili bhú djila Ebhe. Aní amene me ní du libhomu pi Ebhe. Aní atsia agbegbe di ní bhú bali gba siti. ³¹ Kaka-a, a maka u aye lie bhú Bhuku gba Ebhe-e me: «I du me kpála nde akunda nau lie ngbéngbé-e, aní de u

lie ngbéngbé bhú engú li Ngámá Ebhe amene e ko.†»

2

Imbilangu li Polo adu akpokpo 'ngú pindji Yesu Kilisito ne e-o

¹ Ondaise ma, ngama makpe-e, nedhinga ma anu nani lie agba yi ngubula nakpokpo engú inde li Ebhe ambamba ta e li kpadji gba Kilisito-o , ma di pi yi mabelu bhe nane mane de. Ma gama di 'ngú pi yi ne imbilangu naali de. ² Padhá de, anga nedhinga ma adu lie agba yi-e, ma gili nambila engú koko bhú ka yi de. Ma agili bha bini nambila Yesu Kilisito, ma agili bha nambila makpe me-e Yesu Kilisito inde u agi nani e li kulusi-o. ³ Kaka-a, ma adu agba yi bhuku kpála, ma adu ne tsulu, ma atsia adu di naguku naali. ⁴ Bhú nasuno gba ma-a ne bhú nakpokpo Bádha Ngali-e , ma du nagama 'ngú ne imbilangu gba kpála-kuti de, ma du di nadi pi yi mabelu de. Engú bini, Bua gba Ebhe-e adu nani nasuno pi yi ne angu me engú ma adu akpokpo e adu kukulu 'ngú. ⁵ Ma adu akpokpo 'ngú pi yi mo-o ngubula me yi a'ó nabhuka gba yi-e bhú imbilangu gba okpála de, engú bini yi 'o mangbo bhú angu gba Ebhe-o.

Imbilangu li Polo ngakpokpo 'ngú ne e ayie ka Ebhe

⁶ Nedhinga ya ngasuno lie pi okpála inde abhele li kpadji gba Ebhe-e abhele-e, ya ngasuno

† **1:31** 1:31 Tsia bhú Djlm. 9:22-23.

kukulu imbilangu, a ko imbilangu na doto inde-e de. A ko la di bhende gba ongámási na doto inde li 'bhø ngámá gba o andjia mandjia de. ⁷ Imbilangu ya ngakpokpo 'ngú ne e inde-e, a ko mangbo imbilangu gba Ebhe. A ko ehe inde awo lie mawo, inde li okpála du nani nambila e de. Kala me Ebhe bho doto-o, Ebhe a'o nani imbilangu ango-o ngubula me ní sia té sangu gba ni-o. ⁸ Ongámási na doto inde-e mbila nani imbilangu ango-o de. I dú me u mbila nani uu-o, u de bhøø nani Ngámá gba ní inde abedhe ne sangu bedhe li kulusi de. ⁹ Ehe li Ebhe amene e, a maka u aye lie bhú Bhuku gba ani-e me:

«Engú inde li djila okpála u nga nani e de-e,
 li 'dje okpála dje nga nani e de-e, di ne
 bhende li okpála bhundja belegu
 engú li e de-e, a la bhomu-o engú inde li Ebhe
 aleke nani e pi okpála inde
 ne makunda pi ani-o.†»

¹⁰ Pi ní-e, Ebhe ambamba ta engú ango-o bhú angu gba Bhobua gba e-o. Bhobua ango-o mbila ndu 'ngú hana. Ani mbila belegu mabhundja gba Ebhe inde awo lie mawo-o. ¹¹ Bhú ká okpála-a, a ko da inde ambila engú inde bhú kilí e? A ambila bha bini ne bua inde bhú kpála ango-o. A bhadi moko, engú inde bhú Ebhe-e, ambila bha bini ne Bhobua gba Ebhe-o. ¹² Pi ní-e, Bua inde bhú ní-e yie ka okpála na doto inde-e de, engú bini, a yie ka Ebhe. Ebhe aha pi ní ngubula me ní mbila ndu 'he inde ani aha e pi ní bhú bádha bhú 'bu gba e hana. ¹³ Nedhinga ya ngakpokpo 'ngú lie pi

† 2:9 2:9 Tsia bhú Isa. 64:3, 52:15.

okpála-a, ya ngakpokpo ne imbilangu gba okpála ade. Engú bini, ya ngakpokpokpo ne imbilangu inde ayie ka Bhobua gba Ebhe-o. A akunda napa me, ya ngambamba ta ongú pindji Bhobua gba Ebhe-e pi okpála inde li Bua ang-o o-nde bhú o-^{*}

¹⁴ Kpála bhende li Bhobua gba Ebhe-e nde bhú e ade-e ti da naziba obisagu inde li Bhobua ang-o ngaha e pi okpála-a de. Bisagu ang-o pi ani maka engú na pele. Imbilangu ngú nambila 'ngú ang-o bhú 'ndji ani ade. Padhá de, anga Bua gba Ebhe-e ti da nambamba ta 'ngú ang-o bha pi kpála ngae. ¹⁵ Kpála inde li Bua gba Ebhe-e nde bhú e mbila ndu 'ngú hana, bhende na babadha, ne bhende na sisiti. Engú bini, ngaani-e, kpála bini ti da nambila 'ngú inde bhú ani-e má kpulukutu de. ¹⁶ A maka u ye lie bhú Bhuku gba Ebhe-e me:

«Kpála bini mbila engú inde li Ebhe Ngámá ngabhundja e de.

Kpála bini ti da naha líli pi ani de.†»

Engú bini, ngaya okpála li Bua gba Ebhe nde bhú o-o, nambhundja gba ya viti ne bhe gba Kilisito bini.

3

Omabhuka na gɔdhu na Kolito maka okpála inde ngakpata Yesu na mbia

* **2:13** 2:13 Li bilí inde-e, u tí da di napa me: «Ya ngakpokpo engú pindji Bhobua gba Ebhe-e pi okpála ne oeli inde ayie ka Bhobua ang-o.» † **2:16** 2:16 Tsia bhú fsa. 40:13.

¹ Ondaise ma, pi ma-a, nedhinga ma adu lie agba yi-e, ma ti nani da nagama 'ngú pi yi maka okpála li Bua gba Ebhe-e nde bhú o-o de. Engú bini, ma agama bha ibili 'ngú pi yi maka okpála na doto inde. Padhá de, anga yi adu maka okpála inde i ngakpata nga Yesu Kilisito na mbia. ² Ongú inde ma asuno e pi yi-e adu maka miliki. A adu ezu na kpekpeke de. Belegu pi mbia inde-e, yi ti nga da nazu ezu na kpekpeke de. ³ Padhá de, anga yi nga bha ngakobho maka okpála na doto inde, anga yi ngamene 'he liyi sunda yi ne 'ngbé bua. Yi la di ngatsi sunda yi. I du me yi nde ngamene mo-o na paká-a, yi mbila de me bhobhomu-o ngasuno me yi nga bha ngadhuku maka li kute yi akunda lie di? ⁴ Nedhinga li kpála bini bhú ká yi ngapa lie me ni ngakpata Polo-o, li kpála koko pa me ni naani ngakpata Apolosi-e, asuno me yi ne okpála inde na doto. A mo-o adi?

Ebhe ne Ngámá na kulu gba ní-e ngae

⁵ Apolosi ne da? Polo la di ne da? Ya bha ne obalise gba Ebhe inde ani atima o ngú nakpokpo eli gba e pi yi, ngubula me yi bhuka Ngámá Yesu Kilisito. Kpála ne kpála bhú ká ya bha ngamene kulu inde li Kilisito aha e pi ani-o. ⁶ Ya adu maka okpála nalu nguwa. Ngama-a, ma akpo lita nakpokpo eli gba Ebhe-e bhú ká yi maka kpála inde ngalu nguwa. Apolosi anu ne di ne kalanu maka kpála inde ngabolo 'ngu pí 'zu-o. Engú bini, Ebhe amene ngae me ezu ango-o bhele. ⁷ Bhobhomu-o asuno me, ne kpála inde ngalu nguwa, ne bhende ngatuko 'ngu pépé-e,

tetele kpála bhú ká uo ade. Engú bini, kpála na tetele mangbo ne Ebhe, anga ani ngamene ngae me ezu-o bhele. ⁸ Ne kpála inde ngalu nguwa, ne bhende ngatuko 'ngu pépé-e, u viti bini. Ebhe ahá makalá na kulu gba kpála ne kpála-a pi e li lele kulu gba e-o. ⁹ Ndú ya bhisi hana, ya ngamene kulu gba Ebhe-e bhú dabili bini. Ngayi-e, yi maka edyi gba Ebhe.

Yi la di maka eti li Ebhe ngayiki e-o. ¹⁰ Bhú bádha bhú 'bu gba Ebhe-e , Ebhe aha angu muma, ma atsia aholo namene kulu gba ani. Ma adu maka kpála nayiki eti ne imbilangu, inde ambila di nabanga 'dhu 'ti-e ndjindji, kpála na kulu koko atsia ago ngú nadyudyo kulu ango-o ne kalanu. A ayo me kpála ne kpála inde nga'o biliki pí 'dhu 'ti ango-o, 'o li lelele. ¹¹ 'Dhu 'ti ango-o, a ko Yesu Kilisito inde yi nga'o nabhuka gba yi-e bhú e-o. Kaka-a, kpála bini ti da na'o matá 'dhu 'ti koko de. ¹² Pí 'dhu 'ti ango-o, okpála koko ngayiyiki ne tia kulu inde ngabhue mabhue maka olo, aladja di ne teme na mase naali. Okpála koko ngayiyiki ne tia kulu inde i bhúe de maka ndula, ulu di ne soli.

¹³ La-a, li 'kpí li Ebhe akódho 'ngú gba okpála na doto lie-e, kulu gba musuno bini ne bini akóto bhú mbasu. Okpála aú kulu gba uo-o mbámbá. Padhá de, anga li kpí ango-o, Ebhe alé kulu gba kpála ne kpála bhú djua ngú nambila me ne me a ndjindji, ne me a sisiti. ¹⁴ I du me kulu inde li kpála amene e nde tsi bhú djua de-e, li Ebhe há makalá pi kpála ango-o. ¹⁵ Engú bini, i du me kulu inde li kpála amene e nde atsi bhú djua-a,

Ebhe há makalá pi aní de. Ebhe akóbho kpála ango-o makobho, engú bini, kpála ango-o avè kukuò, aní de atsi bhú djua atsi.

¹⁶ Yi mbíla de me yi maka Eti gba Ebhe, di ne me Bua gba aní-e ngadu bhú yi-e dí? ¹⁷ I du me kpála nde abhøø Piga gba Ebhe-e, li Ebhe bhéø dí kpála ango-o. Padhá de, anga Ebhe a'o Dadjua ango-o pi e. Piga inde aní ngadu bhú e-e, a ko yi.

Imbilangu gba Ebhe-e kpi ne imbilangu gba okpála-kuti

¹⁸ Kpála bini apíte lie de. I du me kpála bini bhú ka yi nde ngabhundja me ni ne imbilangu maka okpála na doto inde-e, aní de yala imbilangu gba e bhomu. Aní kolo mangbo bhú djila okpála na doto maka bhulu pele, amba aní sia imbilangu na kukulu. ¹⁹ Ma pa mo-o padhá de, a ko anga oehe li okpála na doto nga'i e me a ko imbilangu-o, a ko ongú na pele bhú djila Ebhe. A maka u aye bhú Bhuku gba Ebhe-e lie me:

«Ebhe ngaholo okpála i ngabhi 'kpa o pi mbulu o me
o ne obhulu imbilangu bhú oeli na kali gba o-o.†»

²⁰ U aye di matá bhú bhuku gba Ebhe-e me:
«Ebhe mbíla mabhundja gba okpála inde ngabhi 'kpa o pi mbulu o me
o ne obhulu imbilangu-o hana.

Aní mbíla hana me a padhá.†»

²¹ Kaka-a, ma apa pi yi me kpála bini bhú ka yi abhí 'kpa e pí mbulu e bhú nakpata musuno de.

† 3:19 3:19 Tsia bhú Djib. 5:13. † 3:20 3:20 Tsia bhú Ets. 94:11.

Padhá de, anga ndu 'he hana ne naayi. ²² Ne ma Polo, ne Apolosi, di ne Piele-e, ya ndu ya hana ne naayi okpála. Belegu doto, ne mukobho di ne kuo ne naayi 'he. Ongú na naki inde di ne ongú agó galikpe bhadi ne ndu naayi 'he. ²³ Engú bini ngayi-e, yi ne okpála ka Yesu Kilisito, Yesu Kilisito ne kpála ka Ebhe.

4

A ayo namanga obhulu titima gba Yesu-o mamanga

¹ A ayo me okpála mbila me, ngaya, obhulu titima gba YesuKilisito-o , ya ne okpála na kulu gba ani. Ebhe a'o ongú inde nani awo lie mawo-o sakpa ya ngubula me ya suno pi okpála. ² Yi mbila ndjindji me, engú inde u ngayo e ka kpála inde u a'o 'he sakpa e, a ko nadu ngbingbili . ³ La pi ma-a, belegu ngayi-e, yi pa me ma ne siti kpála, ne me ma ne siti kpála ade-e, a méne 'he bini ngu ma de. Abana li okpála nakodho 'ngu-o pa me nganda kulu gba ma-a a ndjindji, ne me a ndjindji ade-e, a méne 'he bini ngu ma de. Abana ngama makpe, ma pa de me nganda kulu gba ma-a ndjindji, ne me a sisiti-e de.

⁴ Padhá de, anga pi ma-a, bua ma pa muma de me ma ngamene siti 'ngu-o de. Engú bini, bhobhomu-o kunda napa de me ma mene siti 'ngu de-e de. Ngamá Ebhe akódho mangbo engú gba ma-a ngae. A akódho ne kpála koko de. ⁵ Kaka-a, yi akódho 'ngu gba okpála koko de. Yi djeke mangbo me nedhinga li Ebhe a'o e ngu nakodho 'ngu gba okpála kolo paká. A

ko okpí li Ngámá Yesu agíe lie lie-o. Li 'kpí ang-o, ani apándja ondu 'ngú hana inde awo lie naki mawo-o bhú mbasú. Ani agbé engú inde li okpála nde ngabhundja e li bua o-o li zì 'kpí. Ekpí ang-o, li Ebhe tsia dhégo kpála ne kpála li lele kulu gba e-o.

⁶ Ondaise ma, ma apa ongú bhomu-o pí yi pindji ya ne Apolosi ngubula nateteke yi, amba yi mbila ongú inde bhúbhú-o. Ma akunda me yi kpata nganda ya ngubula me yi kò mboli gbitaku inde-e me: «A ayo napise li kozie inde u a'o e-o.» A ayo de me kpála bini bhú ká yi sia 'ngbé 'ndji ne 'ili me ni naani ne kpála ka tsipakala, amba ani u okpála koko bhú djila e padhá-a de. ⁷ Ngamu kpála inde ngabhundja me ni ane okpála koko mane-e, mu naamú ne da? Ebhe ha ndu 'he inde ka mu-o hana pí mu ngae di? I du la me Ebhe nde aha pí mu ngae, mu ngamene 'ngbé 'ndji tété mugito me mo osia ka angu gba mu-o ka ni?

'Ngbé 'ndji gba omabhuka na Kolito

⁸ A ndjindji, anga yi asia naayi ndu 'he hana inde li Ebhe ngaha e asia. Yi ibili ne obhulu tia li kpadji na nabhuka . Yi ngapa me yi ndu yi hana ne ongámási, la ngaya obhulu titima gba Yesu Kilisito-o, ya naaya ne ongámási ade. I dú me yi du bhú djila Ebhe ne ongámási na paká-a, a de ndjindji ngubula me ni u ne yi bhú dabili bini. ⁹ Ya ne obhulu titima gba Yesu Kilisito. Engú bini, ma ngau mugito me Ebhe a'o ya asidi pita ndu okpála koko hana. Ya maka okpála bhende u akodho 'ngú gba o, inde u abhíli o kala ndu

okpála hana. A akúnda napa me doto libhomu ne okpála-kutí la di ne oandjelu ngatú 'ue bhú 'ndji ya maka bhú da ngeme.

¹⁰ Ngaya-a, ya ne obhulú pele kabula 'li Yesu Kilisito! La ngayi-e, yi ne obhulú imbilangu kabula ani! Ngaya-a, ya ne okpála li angu nde bhú o ade! Engú bini, ngayi-e, yi ne okpekpeke okpála! Ngaya-a, okpála ngau ya bhú djila o padhá, engú bini, ngayi-e u ngamanga yi mamanga! ¹¹ Nakolo pí mbia inde-e, ya ngadje gumu di ne gumu 'ngu. Ya ngadyi obongo inde akadha. U ngato mbolo li ya. Ya sili kuti de. ¹² Ya ngamene kulu ne 'kpa ya kpekpeke. Nedhinga li okpála ngasobho ya lie, ya ngayo Ebhe me ani tuko bisagu pí uo. Nedhinga li okpála ngato mbolo li ya lie, ya ngakikibila, ya gisila de. ¹³ Nedhinga li okpála ngapa 'ngú gba ya lie sisiti-e, ya ngagie pí uo bhuku eli. Ya akolo maka oehe inde u abala e apí 'ká. Nakolo pí naki-e, ya akolo maka oehe inde li tata nde lie ade.

Polo asuno bua gba e na 'dyi ongisi-e pí omabhuka na Kolito

¹⁴ Ma ye engú inde-e de me yi sia numu ká engú inde yi ngamene e de. Ma aye mangbo ngubula me ma ha líli, anga yi ne ongisi gba ma na mukúnda. ¹⁵ Padhá de, anga abana li omusuno du bha ka yi bhelé-e li kpadji gba Yesu Kilisito-o, koli 'dyi yi bha bini. 'Dyi yi ango-o, a ko ma. A akúnda napa me ma akpo lita nakpokpo Bádha Ngali gba Yesu Kilisito pí yi ngama. ¹⁶ Ma nde lie ne 'dyi yi-e, ma ngayo ka yi me yi mene engú inde ma ngamene e-o.

¹⁷ Ngubula nateteke yi-e, ma atima Timoté agba yi oo. Ma atima ani ngubula me ani nu suno pi yi ne toto lele maka ma ngadhuku lie li kpadji gba Yesu Kilisito-o. Ongú inde ani asúno e pi yi-e, a bhomu-o ongú inde ma susuno e pi okpála gba Ebhe ne ndu bili hana-o. Yi dje Timoté, a ko ndili gba ma na mukunda-o. Ani la di ngadhuku ngbingbili li kpadji gba Ngámá Yesu Kilisito.

¹⁸ Okpála koko bhú ka yi ngabhi 'kpa o pí mbulu o anga u ngabhundja me ma agó matá gba yi oo de. ¹⁹ Engú bini, i du me Ngámá gba ní-e nde aziba-a, ma agó oo ne 'kpí bhisi inde. Li ma kolo oo, ma ú obhulu 'ngbé 'ndji bhomu. Ma tsia mbila ne me u bha ngape 'li o padhá, ne me abhú uo ne angu namene engú. ²⁰ Padhá de, anga Nau gba Ebhe-e ne eli ade, a mangbo bhú angu gba Bu Bhobua . ²¹ Nedhinga ma agó lie agba yi-e, yi akunda me ma go ne mangua 'ngú dho? Yi akunda me ma ago sakpa ma ne fimbo? Ne me ma go ne bhuku bua ngú nasuno pi yi me ma kunda yi naali?

5

Polo apa pi omakilisito me u gbe kpála inde amene siti 'ngú bhú ka o magbe

¹ Ma ngadje ngali gba yi-e ndu 'kpí hana. Okpála ngapa me bhú ká yi-e, okpála koko ngadhuku ne olisi, i du di-e ne obhosi ngangá. A ko engú inde belegu okpála i bhuka Ebhe de-e ti da namene e de. A mana mugito me suka yi

bini ngadhukú ne wala 'dyi e.† ² Ngayi-e, engú ango-o ngaha pí yi 'ngbé 'ndji. A ayo la igini me yi de aku 'gbá ngubula siti 'ngú ango-o. A ayo la di igini me yi gbe ngua makilisito bhomú-o bhú ká yi magbe.

³ Ngama-a, belegu ma nde lie bhú ka yi ade-e, bua ma ne yi bhú dabili bini. Ma akodho engú gba kpála inde amene engú bhomú-o akodho mugito me ma ne yi bhú dabili bini. ⁴ Ma akodho 'ngú bhomú-o ne 'li Ngámá gba ní Yesu. Ma ngapa pí yi me, yi po bhúla yi-e, li bua ma dú ne yi bhú dabili bini. Li angu gba Ngámá gba ní Yesu tsia súnó di lie. ⁵ Nedhinga yi apó bhúla yi lie, yi pu kpála bhomú-o pí Satana* ngubula me siti 'ngú inde bhú ani-e koto hana má kpəkəbhə, amba Ebhe kobho bua ani li 'kpí li Ngámá gba ní Yesu agó lie ngú nakodho 'ngú gba okpála-o.

⁶ A ndjindji ade me yi bhi 'kpa yi pí mbulu yi li siti 'ngú bhomú-o de. Yi mbila de me mboye ku levile bedi-e ngamene ngae me faline libhomu fuka di-i? ⁷ Yi 'e siti 'ngú bhomú-o bhú ka yi ma'e. I du me yi nde amene mo-o, yi kolo bubu maka faline inde u 'o levile bhú e de-o. Ma ambila ndjindji me Ebhe amene me yi kolo bubu li kpadji nakpi ka Yesu Kilisito . Yesu maka ndili kandələ inde u abhələ e ngubula me okpála zu bhú anokomia na Pasika . ⁸ Kaka-a, ní kpi djali kabula li Ebhe agbegbe ní lie bhú bali-o. Ní 'e osisiti 'ngú gba ní-e maka li omaYuda a'e nani

† 5:1 5:1 Tsia bhú Lev. 18:8; di ne bhú Det. 23:1. * 5:5 5:5 Napu kpála pí Satana: Ti da napa li bili inde-e me nagbe kpála bhú Piga gba Ebhe.

dili levile gba o lie ngubula nazu anokomia nazu mapa inde li levile nde bhú e ade-o . Ní mene mo-o, ní dú bubu, di ngbingbili kala Ebhe.

⁹ Bhú balua ma atima nako e pi yi kalanu-o, ma apa pi yi bhúbhú me yi adú bhú dabili bini ne okpála inde ngadhuku ne olisi, i du di-e ne obhosi ngangá-a de. ¹⁰ Ma pa engú bhomu-o pi yi pindji ndu okpála na doto inde-e hana de. Ma pa engú bhomu-o pindji okpála inde ngadhuku ne olisi, i du di-e obhosi ngangá-a de, ne pi obhende li gumu 'he gba okpála abedhe bhú o bedhe-e de. Ma pa la di engú bhomu-o pindji okpála inde ngazi 'he-e de, i du di-e obhende ngadhögø ebhe na eu-o de. Li kpála kunda nazu bhú dabili bini ne okpála bhomu-o de-e, kpála ango-o de yie pila doto mayie.

¹¹ Ma akunda mangbo nayoko yi me, yi akpétse liyi ne kpála inde ngapa me ni ne makilisito me ani nde ngadhuku ne olisi, i du di-e ne obhosi ngangá-a de. Yi akpétse liyi ne omakilisito bhende li gumu 'he gba okpála abedhe bhú o bedhe-e de. Yi akpétse liyi ne omakilisito bhende ngayo ebhe na eu-o de, i du di-e makilisito inde ngasobho okpála koko, ne obhende ngalangba ne pandi, i du di-e bhulu 'zi-e de. Yi akpétse liyi ne uo de. Yi azú 'he ne ngua kpála bhomu-o belegu de bini. ¹²⁻¹³ Padhá de, anga a ko 'ngú ka ma de me ma kodho 'ngú gba okpála inde ne omakilisito ade-o. Ebhe akódho 'ngú gba uo-o ngae. Engú bini ngayi-e, yi ti da nakodho 'ngú gba omakilisito yi nde ne o-o. Maka u aye lie bhú Bhuku gba Ebhe-e me:

«Yi gbe kpála inde ngamene siti 'ngú bhú ká yi-e magbe.†»

6

Lele naleke 'ngú sūnda omakilisito

¹ I dū me sūka yi nde ne 'ngú sūnda o ne ndai e-e, lele pi ani tí da nanu lie ne di kala ongámási na doto? A ayo mangbo igini me ani nu ne ani kala okpála gba Ebhe. ² Yi mbila de me okpála gba Ebhe-e akódho 'ngú gba okpála na doto li sokpí-e ngao di? I dū la me yi nde akódho 'ngú gba okpála na doto-o, lele pi yi tí da nakodho odjedje ongú inde-e lie de-e? ³ Yi mbila de me ní akódho belegu engú gba oandjelu-o nganí-e di? Ka ni la ní tí da nakodho odjedje 'ngú na naki inde-e lie de? ⁴ Li odjedje 'ngú dū sūnda yi-e, ka ni yi nganu lie ne di kala okpála inde bhú Piga gba Ebhe-e ade-e? ⁵ Ma ngapa 'ngú bhomu-o ngubula me yi sia numu. Kpála na imbilangu bini bhú ka yi adi ngubula me ani leke 'ngú sūnda omakilisito-o? ⁶ A bha ndjū ndjindji me li makilisito dū ne engú sūnda e ne makilisito-o, u de nu ne di kala okpála inde i bhuka Yesu di?

⁷ A na paká me nadu ne engú sūnda yi-e, a bhomu-o numu na ngbéngbé. I dū me u nde mene ngbili 'ngú li pabili gba yi-e de-e, u nde ngazi 'he gba yi-e, ka ni yi tí da nakikibila lie ne 'ndjá bua de-e? ⁸ Engú bini, okpála inde i mene ngbili 'ngú pi okpála koko de-e ne yi! Yi la di ngazi 'he gba ondaise yi omakilisito!

† 5:12-13 5:12-13 Tsia bhú Det. 17:7.

⁹ Yi mbila na paká me okpála inde ngamene osisiti 'ngú-o lí bhú Nau gba Ebhe-e de. Yi apíte liyi de, okpála inde ngakunda olisi, i dū di-e ne obhosi ngangá-a, ne obhende ngadhөгө oebhe na eu, ne obhende ngakunda olisi, i dū di-e obhosi gba okpála koko, i dū di-e obhende ngakunda lío sūnda o maka өlө ne bhoko, u lí bhú Nau gba Ebhe-e de. ¹⁰ Yi apíte liyi de, obhulū 'zi, ne obhende lí gumū 'he gba okpála abedhe bhú o bedhe, ne obhende ngalangba ne pandi, ne obhende ngadi okpála koko, ne obhende ngagbūlū 'he gba okpála ne kpéke djila-a, lí bhú Nau gba Ebhe-e de. ¹¹ A na paká me bhú ká yi-e, okpála koko adū nani namene osisiti 'ngú bhomū. Engú bini, mbia inde-e, Ebhe avulū yi bhú siti 'ngú gba yi-e avulū. Ani a'o yi kpi pi e, ani atsia amene me yi kolo ngbingbili kala ni. Ani amene ndū 'ngú bhomū-o hana lí kpadji gba Ngámá gba ní Yesu Kilisito di ne bhe gba Bu Bhobua gba e-o.

Kute ní ne eti gba Bu Bhobua

¹² Mū ti da napa me: «Ma nde lie ne makilisito-o, ma ti da namene ndū 'ngú hana.» A na paká moko, mū ti da namemene. Engú bini, ongú koko bhú ká ongú inde mū ngamene e bhomū-o ti da nateteke mū de. Ma aziba me, ma ti da namene ndū 'ngú hana. Engú bini ngama-a, ma kunda nadū bali na 'ngú bini de. ¹³ Mū ti da napa matá me: «Ebhe aha ezū ngubula nabedhe ebu ne di. Ani atsia amene di ebu ngubula ezū.» A na paká moko. Engú bini, lí sokpí-e, Ebhe abhéle

ebu, ani tsia bhéle di ezú. Ndundu bhisi hana tsia ndjulu. Padhá de, anga Ebhe bho kute ní ngubula nadhuku ne olisi, i du di-e ne obhosi ngangá de. Ani amene mangbo kute ní ngubula nakpata Ngámá Yesu ne di. Padhá de, anga a ko Ngámá na kute ní ngae. ¹⁴ Ebhe azuku Ngámá gba ní Yesu Kilisito bhú kuo. Ani azúku bhadi kute ní bhú angu gba e-o.

¹⁵ Yi mbila de me, kute yi ne suka yá Kilisito di? Lele pi ma ahá kute ma inde suka yá Kilisito lie ngú nakpøkøtø ne kute øle na zabhe-e? Bhobhomu-o méne lie belegu de bini! ¹⁶ Yi mbila de me, i du me kpála nde akpøtø lie ne øle na zabhe-e, ndu uo bhisi hana akolo koli kute bini-e di? Padhá de, anga u aye bhú Bhuku gba Ebhe-e me: «Ndu uo bhisi hana akólo koli kpála bini.*» ¹⁷ La-a, kpála bhende akpøtø lie ne Ngámá-a, akolo ne ani ne koli bua bini. ¹⁸ Ka 'ngú angoo, yi 'o nadhuku ne olisi, i du di-e ne obhosi ngangá ma'o. Ondu 'ngú na sisiti li kpála amemene e hana-a, ani memene ne kute e de. Engú bini, kpála inde ngakpøtø lie ne øle na zabhe-e ngamene siti 'ngú ne kute e makpe. ¹⁹ Yi mbila de me kute yi ne eti gba Bu Bhobua-a di? Yi mbila la di de me Bu Bhobua angoo ngadu bhú yi, Ebhe aha la di pi yi ngae di? Kute yi ne ehe ka yi ade. A ko na Ebhe. ²⁰ Ebhe akala yi bhú kpéke mase. Kaka-a, kute yi dhøø Ebhe bhú ndu 'ngú hana inde yi ngamene e ne di-o.

* **6:16** 6:16 Nakolo koli kpála bini inde si-e, a kpi ne nakolo koli kute bini. Tsia bhú Dje. 2:24.

7

Polo agie 'ngú pi omabhuka na gúdhú na Kolito pindji 'ngú na kúva

¹ Mbia inde-e, ma ngagie 'ngú pi yi li ongú maka yi ayi ma lie bhú balua gba yi-o. Ngayi-e, yi ngapa me: «A ndjindji pi bhoko me ani abú 'kpa e li ɔlɔ de.» ² Abana mo-o, ma ngabhundja me, kabula nadu nadhuku ne olisi, i du di-e obhosi ngangá de-e maka okoko bhú ká yi ngamemene lie, a ndjindji me bhoko ha ɔlɔ gba e, amba ɔlɔ ha di bhoko gba e. ³ A ayo me bhoko mene pi ɔlɔ gba e ehe inde li bhoko amemene e pi ɔlɔ maka a ayo lie-o. A ayo la di me ɔlɔ mene pi 'ko e engú inde li ɔlɔ amemene e pi bhoko gba e ko.

⁴ Ɔlɔ ti da namene ne kute e maka ani akunda lie de. Kute ani ne ehe ka 'ko ani. La di-e, bhoko ti da namene ne kute e maka ani akunda lie de. Kute ani ne ehe ka wala ani. ⁵ Kpála bini agbite kute e pi kilí e de. Yi mene bha bini mo-o me yi nde adje liyi bhú dabili bini, ngú na'o mbo nedhinga ngubula nayo Ebhe. Pipita-a, amba yi gie liyi bhú dabili bini, anga yi mene mo-o de-e, yi tí bhú gumu kute, yi tsia tí bhú ekú gba Satana . ⁶ Engú nagbite kute o ngubula nedhinga bedi ma ngapa e pi yi inde-e, a ko líli de, a ko mangbo ngú napa pi yi me, i du me yi nde amene mo-o, a adú sisiti de.

⁷ Ma akunda naali me ndu okpála hana du olingbangi maka ma. La-a, a ti da namene lie mo-o de, anga Ebhe aha makalá pi ní kpi kpi kpi. Ani aha pi okoko naha lio. Ani atsia aha pi okoko nadu olingbangi.

⁸ Engú ma ngapa e pi olingbangi ne oekesi-e ngae inde: a ndjindji pi yi nadu kpi yi kpi maka ma. ⁹ Engú bini, yi u me yi ti da nadu kpi yi kpi de-e, yi de ha liyi. A ndjindji me yi ha liyi nane me gumu kate ha angu yi.

A ayo me omabhuka inde bhú kuva-a agbó bhusu o de

¹⁰ Pi okpála bhende bhú kuva-a, ma ngapa bhobhomu-o ngama Polo ade, a ko Ngámá Yesu Kilisito . Aní apa me, a ayo de me elə yie bhú kuva-a de. ¹¹ I du me elə nde ayie bhú kuva-a, aní ahá matá bhoko koko de. I du me aní nde au me ni ti da nadu kpi ni kpi de-e, aní de gie lie bhú kuva gba e-o. Pi bhoko-o, a ayo de me aní gie wala e de.

¹² Pi okpála koko-o, ma ngapa 'ngú inde-e ngama, a ko Ngámá Yesu de. Ma ngapa me: i du me a nde ka makilisito na bhobhoko ne elə inde mupagano-o, i du me elə ango-o nde akunda nadu ne 'ko e-e, 'ko aní de du ne aní. ¹³ A bhadi moko pi elə inde makilisito. I du me 'ko aní nde ne makilisito ade-e, li bhoko ango-o kunda nadu ne wala e-e, u de du ne aní. Elə-o atse aní de. ¹⁴ Padhá de, anga bhoko inde ne makilisito ade bhomu-o ti da nabhuka ka wala e inde ne makilisito-o. A bhadi moko pi elə inde ne makilisito ade-o. I du me 'ko aní nde ne makilisito-o, aní ti da nabhuka ka 'ko e inde makilisito-o. Padhá de, anga i du mo-o de-e, li ongisi gba uo-o dú maka ongisi gba okpála inde i bhuka de. Engú bini, u ti da nabhuka ka 'dyi o, i du di-e ka 'hi o inde abhuka-o.

15 La-a, kpála bhende ne makilisito ade-e kunda nagbo bhɔsɔ o ne makilisito-o, u de gbo bhɔsɔ o. A moko, kpála inde ne makilisito, i dɔ bhoko, i dɔ di-e ɔlɔ-o sa líli bini ngú nadɔ bha bhú kɔva bhomɔ ade. La-a, yi mbila me Ebhe a'i ní me ní dɔ bhú kɔva bhú guo 'ngú . 16 Mɔ ti da nambila lele pi, ngamɔ ɔlɔ inde ne makilisito me ni ti da nakobho 'ko ni de-e? I dɔ di-e ngamɔ bhoko inde makilisito-o, mɔ ti da nambila lele pi me ni ti da nakobho wala ni de-e?

A ayo me kpála ne kpála dɔ kala Ebhe lele maka ani adɔ nani lie-o

17 Engú na ngbéngbé inde bhú 'ngú bhomɔ-o, a ko me kpála ne kpála dɔ maka li Ngámá Ebhe aha pi ani lie-o. A ayo la di me ani dɔ maka ani adɔ nani lie nedhinga li Ebhe a'i ani lie-o. A bhomɔ-o líli inde ma aha e bhú ndɔ oDadjua gba Ebhe-e hana-o. 18 I dɔ me Ebhe nde a'i kpála me ani nde ali gandja ali-e, a ayo de me ani wo gandja inde ani ali e bhomɔ-o de. I dɔ la me Ebhe nde a'i kpála me ani nde li nga ngandja de-e, a ayo de me ani li gandja-a de. 19 Padhá de, anga li kpála li gandja-a, ani li di gandja de-e ne 'ngbé 'ngú ade. Engú na ngbéngbé-e, a ko namene líli gba Ebhe.

20 A ayo me kpála ne kpála dɔ lele maka ani adɔ nani lie li nedhinga li Ebhe a'i ani lie-o. 21 Mɔ dɔ nani ne bali nedhinga li Ebhe a'i mɔ lie? Mo odjé tsulɔ de. Engú bini, i dɔ me a nde pi mɔ nedhinga me mɔ koto bhú bali-e, mɔ de koto. 22 Kpála bhende adɔ nani bali li nedhinga

li Ngámá a'i aní lie akoto mbia inde bhú bali-e akoto, anga aní akpɔtɔɔ lie ne Ngámá. La-a, kpála bhende ne bali bhú 'ngú na doto ade-e, inde li Ebhe a'i e-e, aní akolo mbia inde-e bali gba Kilisito. ²³ Ebhe akala yi ne mase naali. Kaka-a, a ayo de me yi kolo obalise gba okpála na doto de. ²⁴ Ondaise ma, a ayo me kpála ne kpála dɔ kala Ebhe lele maka aní adɔ nani lie li nedhinga li Ebhe a'i aní lie-o.

Engú pɔndji olɔngbangi

²⁵ Pí okpála bhende i ha nga olisi de-e, ma ngaha pí yi-e mabhundja gba ma maka kpála inde u tí da naziba e ka bádha bhú 'bu gba Ebhe-o. Ebhe kata ma ngae de. ²⁶ Ka likabhú inde na nedhinga inde-e, ma abhundja me a ndjindji pí kpála me aní dɔ bha maka aní nde lie-o. ²⁷ Mɔ ngakunda naha ɔlɔ? Mo oyála aní de. Mɔ kunda naha ɔlɔ di? Dɔ lingbangi. Mo ohá ɔlɔ de. ²⁸ Engú bini, i dɔ me mɔ nde aha ɔlɔ-o, mɔ mene bhomɔ-o siti 'ngú de. I dɔ la di me tsa ɔlɔ nde aha bhoko-o, aní mene siti 'ngú de. La-a, yi mbila ndjindji me okpála bhende ngaha olisi ngazɔ likabhú píla doto naali. Ma akunda la de me yi zɔ likabhú bhomɔ-o de.

²⁹ Ondaise ma, ma akunda napa pí yi me, nedhinga inde atigala pí ní-e bedi. Nayie pí mbia inde ngú nanɔ ne kalanɔ-o, a ayo me okpála bhende ka o ne olisi dɔ mɔgito me olisi ka uo ade. ³⁰ Okpála bhende ngaku 'gbá-a mene mɔgito me uo bhú likabhú ade. Obhende ngamɔ 'zo-o mene mɔgito me uo bhú djali ade. Obhende ngakala 'he mene mɔgito me ehe ka uo ade. ³¹ Obhende

ngasia tia na doto inde-e mene mugito me tia ka o ade. Padhá de, anga doto maka i ngau lie lie mbia inde-e, bhúe matá nedhinga bhelé de.

³² Ma akunda me yi adú ne likabhu de. Bhoko bhende i ha ɛlə de-e gbite lie li engú gba Ebhe, ani ngagili nanga li Ebhe. ³³ Engú bini, bhoko bhende aha ɛlə-o, agbite lie li ongú na doto, ani ngagili namene engú inde anga li wala e. ³⁴ Ani agbo la di bhusu e li di kulu bhisi. A bhadi moko pi ɛlə inde aha bhoko, ani ngagbite lie li 'ngú na doto. Ani ngagili namene engú inde ngangá li 'ko e. Engú bini, pi ɛlə, i du di-e tsa ɛlə bhende i ha nga bhoko de-e, ani ngagbite lie li engú gba Ngámá. Padhá de, anga ani akunda naha lie pi ani bhú ndu 'ngú hana inde ani ngamene e, ne bhende ani ngabhundja e-o.

³⁵ Ma ngapa 'ngú bhomu-o ngubula bádha 'ngú gba yi, ma pa ngubula na'o tili kili li 'ngbu yi de. Engú bini, a ko ngubula me yi mene engú inde ndjindji, amba yi kpata la di Ngámá Yesu ne bua yi hana.

³⁶ La mbia inde-e, i du me makombi bini nde akpe namene siti 'ngú li pabili gba tsa ɛlə inde ani abedhe ne gumu naha e, ani bhundja me a ayo me engú ango-o kpata kpadji na ndjindji-e, ani de mene maka ani au lie. Ani mene siti 'ngú de. U de ha lio maka li bhoko-o akunda lie-o. ³⁷ Engú bini, i du me makombi-e nde apa me ni ha tsa ɛlə bhomu-o de-e, i du me engú ango-o nde ayie li bua ani makpe me u nde kata ani tété gandji de-e, ani amene bhadi bádha 'ngú. ³⁸ Bhoko bhende aha tsa ɛlə inde nako ani adu

nakunda naha e amene bádha 'ngú. Engú bini, bhoko bhende apa naae me ni ha ani de-e, amene bádha 'ngú naali.

Engú pindji oøkəsi

³⁹ Òlè inde lí 'ko e nde bhú ka-a ti da nadu ne bhoko koko de. Engú bini, i du me bhoko angoo nde akpi-e, bhobhomu-o aha kpadji pi ani ngú naha bhoko koko maka ani akunda lie. La-a, a ayo me bhoko angoo du ne makilisito. ⁴⁰ Engú bini, ngama-a, ma abhundja me i du me ani nde adu kpi e kpi-e, ani dú bhú djali nane me ani ha matá bhoko koko. Ma pa mo-o, ma abhundja me Bhobua gba Ebhe-e di bhú ma.

8

Kpadji na imbilangu di ne kpadji na mukunda

¹ Mbia inde-e, ní tsia nga 'ngú pindji so 'nu inde u aha e pi oebhe na eu. A na paká me imbilangu bhú ndu ní hana, maka yi ngapapa lie-o. 'E-e! Imbilangu angoo ti da naha pi kpála 'ngbé 'ndji. Engú bini, mukunda naae ngadyudyo ní bhú nabhuka ne kalanu. ² Kpála bhende ngabhundja me ni ambila 'ngú-o mbila nga maka a ayo lie me ani mbila-a de. ³ Engú bini, kpála kunda Ebhe na paká paká-a, Ebhe ambila kpála angoo.

Yi ató ondaise yi bhú ngita de

⁴ Pindji 'ngú inde atsia so 'nu inde u aha e pi oebhe na eu-o, ní ti da nazuzu, ne me ní ti da nazuzu de? Ní mbila ndjindji me oebhe na eu ne oehe na kukulu ade. Ní ambila di me, Ebhe bha

koli e bini kpi e kpi. ⁵ A na paká me a abhúlá di ne pílá doto ne oebe inde lí okpála ngadhөгө o maka oebhe gba o. Ongua oebhe na eu bhomu-o bhelé, u di ngako pí okpála. ⁶ La pí ní-e, ní mbila ndjindji me koli Ebhe bha bini. A ko 'Dyi ní inde abho ndu 'he hana pílá doto. Aní atsia abho di ní me ní du pí ní. Ní la bhadi ne koli Ngámá bini, a ko Yesu Kilisito . Ndu 'he hana ngayie ka aní, ní di ngasia mukobho ka aní.

⁷ Engú bini, i du me ní nde ambila me mukobho bhú oebhe na eu ade-e, a ne okpála inde imbila nga kukulu 'ngú ang-o má kpulukatú de. Okpála koko bhú ká yi adu nadhөгө oebhe na eu. La mbia inde-e, uo bha ngazu so 'nu ang-o ne nabhundja me oebhe na eu bhomu-o ne angu pépé. Okpála ang-o nga bha bhubhuku lí kpadji gba Ebhe. Abhomu-o, u ngabhundja me so 'nu ang-o ngato o bhú siti 'ngú kala aní. ⁸ Ní mbila ndjindji me ezú bini tí da nadyudyo ní de Ebhe masikpe de. Belegu ní zu, belegu ní zu de-e, a méne 'ngú bini lí ní de.

⁹ 'E-e! Yi lila liyi me, kpadji inde u aha e pí yi ngú nazú ndu 'he hana-a, a tó okpála bhende bhubhuku bhú nabhuka bhú siti 'ngú de. ¹⁰ Padhá de, anga i du me kpála inde bhubhuku bhú nabhuka nde au mu, ngamu kpála inde ambila kukulu 'ngú ambila-a, mu nde ngazu so 'nu inde u abhөлө e pí oebhe na eu bhú eti u adhөdhөгө uo bhú e, mo ombhundja naamú me aní tí da di nazuzu dí? ¹¹ Kaka-a, kpála inde bhubhuku ang-o, ndai mu inde lí Kilisito akpi pí e tsia ngita ka mu, kabula engú nasisiti inde mo

omene e, ngamɔ kpála ambila kukulu 'ngú má kpulukutu-o ambila-o! ¹² Namene ngua siti 'ngú bhomu-o li pabili gba ondaise yi-e, di ne na'o eka li bua uo inde nakpokpo kú 'ngú inde bhɔbhuku bhomu-o, a ko namene siti 'ngú li Kilisito ngae makpe. ¹³ Kaka-a, i du me ezɔ bini nde ngato ndai ma bhú siti 'ngú-o, ma zú matá ezɔ ango-o de, amba ndai ma atí bhú siti 'ngú ka ma de.

9

Lele li Polo adu nakpokpo Bádha Ngali gba Yesu Kilisito lie-o

¹ Ngama-a, ma ti da nasia ndu 'he hana maka sɔka obhulu titima gba Ngámá gba ní Yesu Kilisito di? Ngama-a, ma u aní ne djila ma makpe di? Ngayi-e, yi bhuka aní ka kulu gba aní inde ma amene e bhú ka yi-e di? ² Belegu li okpála koko ziba de me ma ne sɔka obhulu titima gba Yesu-o di-e, la pi yi-e, ma ne bhulu titima gba aní. Padhá de, anga nau me yi akpɔtsɔ liyi ne Ngámá-a asuno na paká me, ma ne bhulu titima gba aní, anga ma akpokpo Bádha Ngali-e pi yi ngama.

³ Eli inde ma agíe e pi okpála inde ngapa 'ngú li ma sisiti-e ngae inde: ⁴ A ayo di de me ya sia ezɔ di ne ehe nandji mandji kabula kulu inde ya ngamene e di? ⁵ Yi abhundja naayi me li ya ha ɔlɔ inde makilisito me ya du nadhuku bhú dabili bini ne aní maka Piele ne obhulu titima koko gba Yesu, di ne ondaise Yesu-o, amba ko siti 'ngú? ⁶ Yi abhundja naayi me, okpála inde a ayo me u mene kulu ne 'kpa o ngú nakobho ka o-o bha ne ya ne Balabasi? ⁷ Kpála inde bhú kulu na

sudha-a haha makalá gba e pi e ngae makpe uu? Belegu de bini. Li kpála lu edyi-e, ani zuzu ezu ango-o di, i du me kpála nde ngalila enu-o, ani ndjindji miliki na 'ka 'nu ango-o di?

⁸ Ongú inde ma apa e bhomu-o, a ko bha bini bhende li okpála ngabhundja e ngao-o de. U aye bhadi bhú líli gba Moidje-e moko. ⁹ Padhá de, anga u aye bhú líli ango-o me: «I du me bagala nde ngatu ngano-o, mo ogbíte 'bhø ani de. 'O me ani zu mbo té ngano ango-o uu.†» Yi abhundja naayi me Ebhe apa 'ngú bhomu-o bha bini pi obagala? A mo-o ade. ¹⁰ Ebhe apa 'ngú bhomu-o pi ní makpe adi? A na paká me ani apa pi ní. Padhá de, anga kpála inde ngalu 'dyi-e nga'o 'to e li ezu inde ani asía e-o. A bhadi ndjindji me kpála bhende nga'e nguwa abhiye-e sia té nguwa ango-o.

¹¹ Ya akpokpo Bádha Ngali pi yi maka u alulu nguwa lie abhiye-o. I du la me yi nde ateteke ya ne tia na doto-o, amba a ko siti 'ngú? ¹² I du me okpála koko nde ngasia tia na doto ka yi-e, ka ni ngaya-a, ya ti da nasisia ka yi lie de-e? Engú bini, ya tsia yo ehe ka yi de. Ya ngakibila ndu likabhu hana inde ngakolo li kute ya-a, anga ya kunda namene engú inde i ní kpadji pi okpála me u adjé Bádha Ngali gba Yesu Kilisito-o de-e de.

¹³ Yi mbila de me okpála inde ngamene kulu bhú 'ngbé 'ti Ebhe-e ngasia ezu gba o bhú kulu inde u ngamene e adi? Obhende ngatsulu enu pi Ebhe-e ngasia tété ngú nazuzu adi? ¹⁴ A

† 9:9 9:9 Tsia bhú Det. 25:4; di ne bhú 1 Tim. 5:18.

bhadi moko pi okpála bhende ngakpokpo Bádha Ngali-o. Ngámá gba ní-e apa me, okpála inde ngakpokpo Bádha Ngali-e, akóbho bhadi li Bádha Ngali.†

¹⁵ Engú bini, belegu inde lie mo-o, ngama-a, ma yo ehe bini ka yi de. Ma pa pi yi de me, ma aye balua inde-e pi yi me yi tima 'he muma-a de. A ndjindji muma naali me ma kpi ne gumu! A ayo de me kpála bhelø engú inde ma nde ne gindaginda ka e de. ¹⁶ Nakpokpo Bádha Ngali ma ngakpokpo e-e ha kpadji muma de me 'ndji ma be-e de. Padhá de, anga Ebhe ngae makpe apa muma me ma kpokpo Bádha Ngali ango-o. A moko, a ko likabhu muma i du me ma nde kpokpo Bádha Ngali-e de ko. ¹⁷ I dú nani me ma alo kulu ango-o ngama-a, a de adú ndjindji me u ha makalá muma tété. A la mo-o ade. Ma lo kulu ango-o ngama makpe de. Ma ngamemene anga Ebhe a'o kulu ango-o sakpa ma. ¹⁸ Makalá ma ngasia e li kulu ango-o ne ni? Makalá gba ma ne nakpokpo Bádha Ngali-e mandi nayo 'he. Maka kpála nakpokpo Bádha Ngali-e, ma ti da nayo 'he ka yi, la-a ma yó ehe bini de.

Polo ateteke kpála ne kpála bhú dasundu gba e ngú nabhuka Ngámá Yesu

¹⁹ Ma bhú ngu ma, ma ne bali gba kpála bini ade. La-a, ma atsia a'o lima bali gba ndu okpála hana, ngubula me ma sia okpála bhelé ngú nabhuka Ngámá Yesu. ²⁰ Li ma du bhú ká omaYuda-a, ma dú maka uo ngubula me ma

† 9:14 9:14 Tsia bhú Luk. 10:7; di ne bhú Mat. 10:10.

teteke uo ngú nabhuka Ngámá Yesu. Ma ambila ndjindji me líli gba Moidje ne angu pí ma ade. Engú bini, i dũ me ma nde bhú ká okpála inde ngamene líli ango-o, ma améne mụgito me ma sa líli ango-o ngubula me ma teteke uo ngú nabhuka Ngámá Yesu.

²¹ Lí ma dũ bhú ká okpála bhende i mbila líli gba Moidje de-e, ma adú bhadi maka uo ngubula me ma teteke uo ngú nabhuka di Ngámá Yesu. Bhobhomu-o kunda napa de me ma mene líli gba Ebhe de-e de. Ma ngamemene anga ma ngamene líli gba Ngámá Yesu Kilisito. ²² Lí ma dũ bhú ka okpála inde bhubhuku lí kpadji gba Ebhe-e, lí ma 'ó di líma bhubhuku ngú nateteke uo ngubula me u kolo kpekpeke bhú nabhuka Ngámá Yesu. Belegu lí okpála dũ lele pi-ie, i dũ me ma nde akolo bhú ká uo-o, ma dú bhadi maka uo ngubula me ma teteke okpála koko bhú ká uo ngú nabhuka Ngámá Yesu, amba u kobho. ²³ Ma ngamene ndũ 'ngú bhomu-o hana ngubula me Bádha Ngali-e nũ ne kalanu, amba Ebhe tuko bisagu pí ma bhú kulu ango-o.

A ayo natsia 'kpí lío ndjindji bhú nabhuka

²⁴ Yí mbila de me, okpála inde agugu holo-o, u dudu okpála bhelé, engú bini kpála bhende akokoto kalanu-o sisia makalá ngae. Yí mene ne kpéke maka okpála inde ngagu holo, amba yí sia di makalá. ²⁵ Ndũ okpála hana inde agugu holo-o dudu sa líli nakpekpeke. U ngamene mo-o ngubula nasia makalá. La-a, makalá ango-o bhúe de. Engú bini nganí-e, ní ngamene ngubula nasia

makalá inde adú duduma ne duduma. ²⁶ Kaka-a ngama-a, ma ngagu holo ngangá ade. Ma la di maka kpála inde ngagu gbele me ani nde ngatsia 'kpí lie ndjindji. ²⁷ Ma ngamene kute ma kpekpeke ngú napa me kute ma mene líli gba ma-o, amba li sokpí-e, Ebhe abhíke ma de, pita nakpokpo Bádha Ngali pi okpála koko-o.

10

Yi lila liyi ka nale-e malila

¹ Ondaise ma, ma ngagbele 'dje yi mo-o, ngubula me yi bhundja nga matá engú inde akolo nani li onguo ogbi ní bhú nedhinga u adu adhúku lie nganda Moidje-o. † Ebhe abuku nani ndu uo hana ne ndindi ngú nalila uo. Ndu uo hana agulu nani 'ngbé 'ngu na Mbembe. ² Nabuku uo ne ndindi ne nakodho 'kpí ka uo bhú 'ngu-o amana mugito me Ebhe aha pi uo bhomu-o Batisimo, ngubula me u kpetsə lio bini ne Moidje. ³ Ndu uo hana azu ezu inde adu ayie ka Ebhe. † ⁴ Ndu uo hana andji engu inde adu akoto bhú teme. Teme ango-o, a ko kulu Yesu Kilisito inde adu adhuku ne uo bhú dabili bini-o. ⁵ La-a, belegu u au ongamba 'ngú bhomu-o lie hana-a, okpála bhelé bhú ká uo du amene engú inde anga li Ebhe-e de. Kaka-a, u amu, u atsia atigala bhú 'gu. †

⁶ Ongú bhomu-o ngasuno pi ní me, ní adú ne gumu namene siti 'ngú maka onguo ogbi ní

† **10:1** 10:1 Tsia bhú Eki. 13:21-22, 14:19-29. † **10:3** 10:3 Tsia bhú Eki. 16:35. † **10:5** 10:5 Tsia bhú Nom. 14:16, 29-30.

de.† 7 Yi ayó oebhe na eu maka okoko bhú ká uo amene nani lie de. Padhá de, anga u aye bhú Bhuku gba Ebhe-e me: «Okpála adulu kuto ngubula nazu anokomia. Pipita-a, u atsia ayie bhúlá ngú nadho 'bi kala kulu ebhe na eu.†» 8 Okpála koko bhú ká uo adu adhuku ne olisi ngangá. Kaka-a, okpála ketè ndjikpa bhisi ne ká bata atsia amu bhú koli 'kpí bini. Pi ní-e, ní améne maka uo de.† 9 Okpála koko bhú ká uo ale Ngámá. Kaka-a, okpulu adolo uo má bi bi bi, uo atsia amu. Pi ní-e, ní améne maka uo de.† 10 Okpála koko bhú ká uo adu adi mutokono li Ebhe. Kaka-a, andjelu gba Ebhe inde abhèbhèlè kpála-a, a atsia ago abhili uo. Pi yi-e, yi adí mutokono li Ebhe maka uo de.†

11 Ndu ongú bhomu-o hana akolo li uo ngubula nateteke okpála koko me u améne maka uo de. U aye ongú angu-o bhú Bhuku gba Ebhe ngubula me asuno kpadji pi ní, nganí inde ngakobho li sokpí-o. 12 Kaka-a, kpála bhende ngabhundja me ni alu bhú nabhuka kpekpeke-e lila lie ndjindji me ni atí-i de. 13 Nale inde ngabhaka yi-e, a ko nale inde ngakolo bha li ndu okpála hana. Ebhe atéteke yi maka ani apa lie-o. Ani ti da naka kpadji de me engú inde akólo li yi-e ha angu yi-e de. Engú bini, i du me nale nde akolo li yi-e, Ebhe há angu pi yi ngú nakikibila. Ani tsia téteke yi me yi atí-i de.

† 10:6 10:6 Tsia bhú Nom. 11:4, 34. † 10:7 10:7 Tsia bhú Eki. 32:6. † 10:8 10:8 Tsia bhú Nom. 25:1-18. † 10:9 10:9 Tsia bhú Nom. 21:5-6. † 10:10 10:10 Tsia bhú Nom. 17:6-14.

Yi lila liyi ka oebhe na eu-o malila

¹⁴ Kaka-a, ondaise ma na mukunda, yi 'o nadhogø oebhe na eu ma'o. ¹⁵ Ma ngagama 'ngú pi yi maka okpála na imbilangu. Yi aló doto bhú 'ngú ma ngapa e ngayi makpe. ¹⁶ Nedhinga ní adulu lie pí misa gba Ngámá-a bhú dabili bini-e, ní ngandji vino inde ní ngagie heni pi Ebhe ngú e-o. Ní akpøtsø liní bhomu-o ne Yesu Kilisito bhú ngute e. Li ní gumu mapa-a ngú nazuzu-o, ní akpøtsø bhomu-o liní bhú kute Yesu Kilisito. ¹⁷ Koli mapa-a bha bini. Belegu ní nde lie bhelé-e, ndu ní hana ní ngazu koli mapa bini bhomu. Bhobhomu-o ngasuno me ní akpøtsø liní, ní akolo bini.

¹⁸ Yi bhundja nga okpála na Isalaele. Nedhinga u ngazu enu inde u aha e pi Ebhe lie, u akpøtsø lio bhomu bhú dabili bini ne Ebhe inde u aha enu bhomu-o pi e-o. A mo-o adi? ¹⁹ Ma akunda napa bhomu-o pi? Ma akunda napa me, ebhe na eu di ne enu inde u ha e pi ani-e, a ne tata? ²⁰ A mo-o ade. Ma apa mangbo me, li okpála bhende imbila Ebhe de-e du naha 'he bhú 'ti oebhe gba o-o, u haha pi odjabulu. U haha pi Ebhe de. La-a, ma kunda de me yi kpøtsø liyi ne odjabulu-o de. ²¹ Yi ti da nandji vino bhú kopo gba Ngámá Yesu, yi tsia ndjí di bhú bhende gba odjabulu-o de. Yi ti da nazu 'he pí misa gba Ngámá, yi tsia zu di pí misa gba odjabulu-o de. ²² Yi abhundja me ní kpekpeke ane Ngámá-a? Ní akunda me bua ani ke ne ní?

Yi mene ndu 'ngú hana ngubula nadhogø Ebhe

23 Okpála koko bhú ká yi ngapa me: «Ya ne omakilisito, ya ti da namene ndu 'ngú hana.» A na paká, engú bini, ongú koko ti da nateteke ní de. Yi ngapa me: «Ní ti da namene ndu 'ngú hana.» La-a, ongú koko ti da namene de me okpála koko bhele li kpadji gba Ebhe-e de. 24 A ayo de me kpála 'o bha 'to e 'to e makpe de, engú bini, a ayo me ani 'o di 'to e 'to okpála koko.

25 Yi ti da nazu ndu enu hana inde u ngatsindji e bhú daposu me yi nde yi 'ngú tété de kabula bua nakpokpo ku 'ngú gba yi-o. 26 Padhá de, anga Bhuku gba Ebhe-e apa me: «Doto ne ndu 'he inde bhúbhú-o hana ne tia ka Ngámá.†»

27 I du me mapagano nde a'i mu agba e ngú nazu 'he-e, i du me mu nde akunda nanu-o, li mu kolo-o, mu de zu ndu 'he hana u ahá e pi mu-o, mo oyí 'ngú bini de kabula bua nakpokpo ku 'ngú gba mu-o. 28 La-a, i du me kpála nde apa pi mu me enu inde mu ngazu e bhomu-o, a ko enu inde u aha e pi oebhe na eu-o, mo ozú-u de, amba bua nakpokpo kú 'ngú gba kpála inde apa 'ngú ango-o pi mu-o asíti de. 29 Ma ngapa 'ngú bhomu-o pindji 'ngú inde li kpála bhomu-o ti da nabhundja e li bua nakpokpo kú 'ngú gba e-o. Ma pa ngubula bua nakpokpo kú 'ngú gba mu-o de. Ka ni ma améne 'ngú lie li lele mabhundja gba kpála koko, ma nde mene mangbo maka ma ngabhundja lie ngama makpe-e di-e? 30 I du me ma nde agie heni pi Ebhe ngubula ezú-o, ka ni li kpála koko nga uu lie sisiti-e?

† 10:26 10:26 Tsia bhú Ets. 24:1.

³¹ Abhomu-o, i du me yi nde ngazu 'he, i du di-e me yi nde ngandji 'he nandji mandji, i du di-e me yi nde ngamene mangua 'ngú koko dho i-e, yi de mene ndu 'ngú bhomu-o hana ngú nadhögö 'li Ebhe. ³² Yi améne engú inde li okpála koko ti da nati ka e de, abana omaYuda, abana obhende ne omaYuda ade, abana okpála na Piga gba Ebhe. ³³ Ngama-a, ma bhadi ngamene mo-o. Ndu 'ngú ma ngamene e hana, ma ngamemene me a nga li ndu okpála hana. Ma bha ngabhundja engú inde atéteke ma-a ade. Ma ngabhundja mangbo pindji engú inde i ti da nateteke okpála bhelé, amba Ebhe kobho uo.

11

¹ Yi kpata engú inde ma ngamene e maka ma ngakpata bhende gba Kilisito lie-o.

Lele nadu ka obhosi di ne olisi bhú nedhinga nayo Ebhe

² Ma ngaha apepe pi yi, anga yi ngabhundja ma bhú ndu 'ngú hana. Yi la di ngamene olíli gba omabhuka inde ma asuno e pi yi-o. ³ La-a, ma akunda me yi mbila engú inde: Kilisito ne Ngámá pí 'ndji bhoko. Bhoko ne ngámá pí 'ndji ølø. Ebhe ne Ngámá pí 'ndji Yesu Kilisito. ⁴ I du me bhú nedhinga nayo Ebhe, li bhoko du nayo Ebhe, ani du di-e nakpokpo eli inde ani asia e ka Ebhe me ani nde adyi ndata-a, amba ani ngaha bhomu-o numu pi Ngámá gba e-o. ⁵ Engú bini, i du me bhú nedhinga na mayo-o, li ølø 'o 'ndji e padhá li nedhinga ani ngayo Ebhe lie, i du di-e

li nedhinga ani ngakpokpo eli inde ani asia e ka Ebhe-e lie-e, ølø ango-o ngaha nũmũ pi ngámá gba e-o. Ani maka ølø inde aka 'ndji e maka. ⁶ I dũ me ølø nde ga kitambala bhú 'ndji e de-e, amana mũgito bhomũ-o me ani aka 'ndji e maka. I nde la lie me a nde nũmũ pi ølø ngú naka 'ndji e ndundundu, i dũ di-e ma ngbidhidhi-e, a ayo me ani ga kitambala bhú 'ndji e.

⁷ La pi bhoko nedhinga ani ngayo Ebhe lie-e, a ayo de me ani dyi ndata-a de, anga Ebhe abho ani li kulu e. Ani ngasuno sangu gba Ebhe. La pi ølø-o, ani ngasuno sangu gba bhoko. ⁸ Yi mbila ndjindji me, Ebhe bho gina bhoko li ølø de, engú bini ani abho mangbo gina ølø li bhoko. ⁹ La di-e, Ebhe bho bhoko pi ølø de, ani abho mangbo ølø pi bhoko. ¹⁰ Kaka-a, i nde lie me Ebhe abho ølø mo-o, a ayo me ani ga kitambala bhú 'ndji e ngú nasuno me ani ti da nayo Ebhe, amba oandjelu mbila me ndũ 'ngú hana li lelele.

¹¹ Ní mbila ndjindji me kala Ngámá-a, olisi ne gumũ obhosi, obhosi la di ne gumũ olisi. ¹² Padhá de, anga maka u abho nani ølø lie li bhoko-o, a bhadi moko a ngazu bhoko ne ølø, la di-e, ndũ 'he hana ngayie ka Ebhe.

¹³ Yi pa nga ngayi, a pi ølø ndjindji nayo Ebhe me ani nde buku 'ndji e di? ¹⁴ Ndũ okpála na píla doto hana mbila ndjindji me a ko nũmũ pi bhoko ngú na'o sundjo e ndjandjandja. ¹⁵ La pi ølø-o, ndjandja sundjo-o, a ko bádha 'ngú naali. Padhá de, anga Ebhe aha nani sundjo pi ølø ngú nabuku 'ndji e ne di. ¹⁶ I dũ me kpála nde akũnda nabi bhayiki li 'ngú bhomũ-o, a ayo me ani mbila

me lele dasundu gba ní-e ngae bhomu. Piga gba Ebhe-e alu la bhadi pí 'ngú bini bhomu.

Polo agbele 'dje omabhuka li lele nazu komonyo

(Tsia bhú Mat. 26:26-29; ne bhú Mlk. 14:22-25; di ne bhú Luk. 22:15-20.)

¹⁷ Ní kodho 'kpí li 'ngú koko. Ma ti da nadhøøe yi tété de. Padhá de, anga nedhinga yi ngakpøtøe liyi lie ngú nayo Ebhe-e, engú yi ngamene e ngagie mangbo yi ne sidi. A dyudyo yi ne kalanu de. ¹⁸ Na bini-e, u apa muma me nedhinga yi ngakø liyi lie bhú dabili bini-e, yi ngagbogbo bhusu yi. Ma abhundja me a ti la bhadi nadu moko. ¹⁹ A ayo la bhadi me nagbo bhusu o du bhú ká yi, amba okpála mbila obhende ngakpata Yesu Kilisito ne bua o bini-o. A mo-o adi! ²⁰ Nedhinga yi ngakpøtøe liyi lie ngú nazu ezu gba Ngámá-a, yi ngabhundja ani bhúbhú ade. ²¹ Okpála koko bha bini ngagbene lio ngú nazu 'he gba o makpe. Ka 'ngú ango-o, okoko ngalangba, okoko la ngadulu gumu. ²² Gbágbá li yi ade ngú nazu 'he di ne ngú nandji pandi tété-e? Ne me yi ngau Dadjua gba Ebhe-e padhá. Yi atsia akunda naha numu pi okpála inde li ehe nde ka o ade. Yi nga'o 'to yi me ma pá pi yi pi? Ma adhøøe yi lele pi me yi ngamene bádha 'ngú-o? A mo-o ade. Ma adhøøe yi tété de.

Lele nazu komonyo

²³ Ongú inde ma asuno e pi yi ngama makpe-e, ma asia ka Ngámá Yesu. Engú ango-o me: sukpe inde u adji apú ani lie pi obhulu yala-a,

Ngámá Yesu aha mapa, ²⁴ ani agie heni pi Ebhe, ani agugumu, ani atsia apa me: «A inde-e kute ma inde ma aha e pi yi-o. Yi du amene me-e, ngu nakina ma.» ²⁵ Pita u andjia nazu 'he-e lie, ani aha bhadi kopo na vino moko. Ani atsia apa me: «Vino inde-e, ngasuno gandja na mbia inde li Ebhe akodho e ne yi-o. Gandja ango-o alu pi ngute ma. Ndu nedhinga hana inde yi adu andjindji lie, yi du andjindji ngu nakina ma.» ²⁶ Li bili bhomu-o, Ngámá Yesu akunda napa me: ndu nedhinga hana inde yi azu mapa lie di ne nedhinga inde yi andji vino lie mo-o, yi bhomu-o ngakpokpo pi okpala mbamba nakpi ka ani akolo li 'kpi inde ani agie lie lie-o.

²⁷ Kaka-a, kpala inde azu mapa gba Ngámá Yesu, inde andji la di vino gba ani-e li lelele de-e, asia mangimbo anga ani andjo kute Ngámá Yesu, ani atsia andjo di ngute ani. ²⁸ A ayo me kpala ne kpala tsia lie makpe ngae bhuhulu, amba pipita-a, ani tsia zu mapa, amba ani ndji di vino gba ani-o. ²⁹ Padha de, anga li kpala zu mapa gba Ngámá Yesu, ani tsia ndji di vino gba ani-e me ani nde ngauu maka i de ehe na padha-a, ani bhomu-o ngagbele mangimbo pi e ngae makpe. ³⁰ A bhomu-o, engu inde yi ngau ka e me okpala bhele bhu ka yi ne kuo, okoko bhuhuku, la di-e, okoko bhele amu. ³¹ I du me ni du atsia bua ni ngani makpe kala nazuzo, Ngámá de kodho 'ngu gba ni-e de. ³² Engu bini, Ngámá ngakodho 'ngu gba ni-o, ani di ngalili ni ngubula me ani a'ó galikpe engu pi 'ndji ni bhu dabili bini ne pi 'ndji okpala koko de.

³³ Ka 'ngú ang-o, ondaise ma, nedhinga yi ngakpɔtsɔ liyi lie ngú nazu ezu gba Ngámá-a, yi dje liyi sɔnda yi. ³⁴ I du me sɔka yi nde ne gumu-o, a ayo me anɔ zu ngaiza 'he agba e, ngɔbula me yi agbéle mangimbo gba Ebhe-e pí yi de bhú nakpɔtsɔ lie gba yi-o. Pɔndji ongú koko inde yi ayi e-e, ma agíe 'ngú pí yi pépé nedhinga ma akólo lie agba yi-o.

12

Angu inde li Bu Bhobua ngaha e pi kpála ne kpála ngú nateteke Piga gba Ebhe-o

¹ Ondaise ma, pɔndji engú bhende atsia angu li Bu Bhobua ngaha e pi kpála ne kpála ngú nateteke Piga gba Ebhe-e, ma akunda me yi mbila 'ngú tété. ² Yi mbila ndjɔndji me nedhinga yi adu nga lie ne omɔpagano-o, osisiti bua adu agbele yi li pápá gba oebhe na eu inde i gama 'ngú de-o. U atsia amba bhúla yi li okpadji ngangá. ³ Kaka-a, ma apa pí yi mbámbá lele nambila me kpála ngagama 'ngú bhú angu gba Bu Bhobua. Kpála du nagama 'ngú bhú angu gba Bu Bhobua-a, anɔ ti da napa de me a ayo me u tu pɔdjo li Yesu-o de. Engú bini, li kpála pa me: «Yesu ne Ngámá-a», a akunda napa me Bu Bhobua akata anɔ ngae.

⁴ Angu li Bu Bhobua ngaha e pi kpála ne kpála ngú nateteke Piga gba Ebhe-e kpi kpi kpi, la-a, ngaanɔ Bu Bhobua inde ngaha angu ang-o, kɔli anɔ bha bini má kpikili! ⁵ Ní ti da namene kulu pí Ngámá Yesu li okpadji ngangá, la-a, ngaanɔ Ngámá Yesu inde ní ngamene kulu ang-o pí e-e,

koli ani bha bini má kpikili! ⁶ Ebhe ngaha angu pi okpála kpikpikpi ngú namene kulu gba ani-e ne di. La-a, Ebhe bhulu naha angu bhomu-o pi okpála-a, koli ani bha bini má kpikili!

⁷ Angu gba Bu Bhobua-a ngasuno lie bhú kpála ne kpála ngubula me ani teteke okpála koko ne angu angu-o. ⁸ Bu Bhobua ngaha pi okpála koko-o angu nagama 'ngú ne imbilangu. Pi okpála koko-o, Bu Bhobua bini bhomu-o ngaha angu nasuno 'ngú gba Ebhe-e pi okpála. ⁹ Bu Bhobua bini bhomu-o ngaha pi okpála koko angu nadu ne nabhuka na kpekpeke. Koli Bu Bhobua bini bhomu-o ngaha pi okpála koko angu nadu nakobho okuo li okpála. ¹⁰ Bu Bhobua ngaha pi okpála koko angu namene ongamba 'ngú . Pi okoko-o, ani ngaha angu nakpokpo engú maka opolofeta . Pi okoko-o, ani ngaha angu nambila nagbogbo bhusu osisiti bua ne Bu Bhobua. Pi okoko-o, ani ngaha angu nagama 'ngú bhú eli gba oandjelu. Pi okoko-o, ani ngaha angu nambamba tata. ¹¹ Ndu 'ngú bhomu-o hana ngayie ka koli Bu Bhobua bini. Ani ngaha pi kpála bini ne bini angu maka ani akunda lie.

Piga gba Ebhe-e maka kute kpála inde ne oyáyá lie bhelé

¹² Kute Yesu Kilisito maka kute kpála-kuti inde li oyáyá nde lie bhelé. Mu tsia 'lá kpála-kuti-e, yáyá li ani bhelé, kute ani la bha koli e bini má kpikili! Abana li yá kpála nde lie bhelé-e, ndundu hana amene bha koli kute bini. ¹³ Ndu ní hana, abana omaYuda ne okpála inde ne omaYuda ade, abana okpála inde bhú bali ne

obhende bhú ngu o, ndu ní hana ní asia nani batisimo ngú napa me ní kolo maka kute bini li kpadji gba Bu Bhobua bini. Ndu ní hana, ní atsia asia bhadi angu gba Bu Bhobua bhomu-o.

¹⁴ Mu tsia kute kpála-kuti-e, oyáyá tété bhelé, a bha koli e bini ade. ¹⁵ Li 'dhu kpála pa me: «Ma ne yá kpála ade anga ma nde ne kpele kpála ade-e», a ko de me ani ayie yá kpála kaka-a de. ¹⁶ Li 'dje kpála pa me: «Ma ne yá kpála ade, anga ma ne djila kpála ade-e», a ko de me ani ayie yá kpála kaka-a de. ¹⁷ I du me 'lá kpála-kuti libhomu du bha ne djila-a, kpála de adú nadjé 'kpí lele pi? I du di me 'lá kpála-kuti libhomu nde bha ne edje-e, kpála de adú nadjé se 'he lele pi? ¹⁸ A na paká me Ebhe a'o nani oyá kpála-kuti maka ani akunda lie. ¹⁹ I dú me Ebhe 'ó nani li kpála bha koli yáyá bini-e, u de 'í de me a ko kpála-kuti-e de. ²⁰ Engú bini, a mo-o ade. Oyáyá li kute koli kpála bini-e bhelé.

²¹ Kaka-a, djila ti da napa pi ekpa de me: «Ma ne gumu mu ade-e de.» La di-e, endji ti da napa pi odhu de me: «Ma ne gumu yi ade-e de.» ²² Engú bini, oyá kpála bhende ní ngau e me abhubhuku-o, pi ní ne tata. ²³ Obhe ní ngau e me tata tété naali ade-e, ní ngalilila nane okoko mane. Obhe ní ngadje numu li napa 'ngú o-o, ní ngatsia 'kpí tété ndjindji. ²⁴ Oyá ní bhe li numu nde li ní lie ade-e, ní nga'o 'to ní tété naali ade. Engú bini, Ebhe abho 'lá kpála-kuti da napa me ní du atsia 'kpí li oyá ní bhe nga'o numu li ní-e ndjindji. ²⁵ Ani amene mo-o ngubula me nagbo bhusu o adú bhú kute ní de, engú bini, oyá ní

hana dɔ nateteke lio sɔnda o. ²⁶ Ɔ dɔ me yá kpála bini nde ngazɔ likabhu-o, ndɔ okoko hana ngazɔ likabhu bhú dabilɔ bini ne anɔ. Ɔ dɔ me u nde ngadhɔgɔ yá kpála-kutɔ bini-e, ndɔ okoko hana ngakpi ndjɔli ne anɔ bhú dabilɔ bini.

²⁷ Pɔ yi-e, yi ndɔ yi hana ne kɔte Kilisito, akɔnda napa me, yi ne oyá anɔ. Kpála ne kpála ne da e bhú kɔte Yesu Kilisito. ²⁸ Kaka-a, bhú Piga gba Ebhe-e, Ebhe a'o ngaiza na bini obhɔlɔ titima gba Yesu, na bhisi-e, anɔ a'o okpála bhende ngakpokpo 'ngú maka opolofeta, na bata anɔ a'o omɔsuno. Pipita-a, anɔ a'o okpála inde ngamene ongamba 'ngú. Pipita-a, anɔ a'o okpála bhende ngakobho obhɔlɔ kuo. Ebhe atsia aha di angu pɔ okpála koko ngú natsia 'kpɔ li obi o di ne nateteke uo. Anɔ a'o okpála inde ngasuno kpadji pɔ okpála koko. Anɔ atsia aha di angu pɔ okpála ngú nagama 'ngú bhú oeli gba oandjelu.

²⁹ Ndɔ okpála hana ne obhɔlɔ titima gba Yesu? Ndɔ okpála hana ne okpála nakpokpo 'ngú maka opolofeta? Ndɔ okpála hana ne omɔsuno? Ndɔ okpála hana ne angu namene ngamba 'ngú?

³⁰ Ndɔ okpála hana di ne angu ngú nakobho okpála na kuo? Ndɔ okpála hana di ne angu ngú nagama 'ngú bhú oeli gba oandjelu? Ndɔ okpála hana di ne angu ngú nambamba ta 'ngú?

³¹ Kaka-a, a ayo me yi bedhe ne gɔmɔ namene ongú inde lie ne tata ngú nateteke okpála koko.

Mbia inde-e, ma adji asuno pɔ yi kpadji inde ane okoko ne bádha ngɔbula me yi teteke Piga gba Ebhe-e tete.

13

Polo akpo 'ngú pindji mukunda bhú Piga gba Ebhe

¹ Abana i dɔ me ma nde ne angu nadi ndɔ eli gba okpála hana, i dɔ di-e bhe gba oandjelu , i dɔ me mukunda nde bhú ma ade-e, ma bha bini maka mangbou inde li gili e ngaɔ, i dɔ di-e mbɔlɔ ngbɔngbó inde li gili e ngaɔ kpekpeke.

² I dɔ me ma nde ne angu nakpokpo 'ngú maka polofeta , i dɔ me ma nde ne imbilangɔ na ndɔ ongú hana, i dɔ me ma nde ne angu nakɔ mboli ndɔ ongú li Ebhe awo e mawo, i dɔ me ma nde di ne nabhuka inde i ti da napa me ma 'e ne di eta, i dɔ la me mukunda nde bhú ma ade-e, ma ne ehe na padhá. ³ I dɔ me ma nde apɔ ndɔ 'he gba ma-a hana pi obhɔlɔ ndibhili, i dɔ me ma nde atse belegɔ kɔte ma me u tsulu bhú djua, i dɔ la me mukunda nde bhú ma ade-e, bhobhomɔ-o ne tata pi ma ade.

⁴ Kpála inde ne mukunda pi obi e-e, bua ani ndjándjá, ani di ngamene babadha 'ngú pi obi e. Ani ne 'ngbé bua li 'he gba okpála koko ade, a ko pa 'li e de, ani di ne 'ngbé 'ndji ade. ⁵ Kpála inde ne mukunda pi obi e méne engú na nɔmɔ de. Ani bhúndja bha bini engú gba e kpi e kpi de. Ani ké di 'ngú lie de. Ani gbíte di bua e pi obi e de. ⁶ Kpála inde ne mukunda pi obi e kpí djali li siti 'ngú de. Ani ngakpi mangbo djali li bádha 'ngú. ⁷ Kpála inde ne mukunda pi obi e ngakibila ndɔ 'ngú hana li okpála amene e li ani-o. Ani ngabhuka ndɔ 'ngú hana, ani nga'o 'to e

ndu nedhinga hana 'to Ebhe, ani di ngagbite bua e ka ndu 'ngú hana magbite.

⁸ Mukunda ndjía 'kpí bini de. La-a, nedhinga akolo makolo li ongú inde li okpála ngakpokpo e maka opolofeta andjía mandjia. Nagama 'ngú bhú oeli gba oandjelu-o andjía mandjia. Angu nasuno 'ngú gba Ebhe-e pi okpála-a andjía mandjia. ⁹ Padhá de, anga angu nasuno 'ngú gba Ebhe-e pi okpála píla doto akódho 'kpí makodho. La di-e, angu gba ní nakpokpo 'ngú maka opolofeta akódho 'kpí makodho. ¹⁰ Engú bini, ekpí li Ebhe ambámba ta ongú na babadha pi ní lie, li ongú bhende libhomu ade-e tsia ndjía.

¹¹ Nani ma adu lie bhú ndili-e, ma adu agama 'ngú maka ndili, ma adu abhundja maka ndili, ma adu di akə mboli 'ngú maka ndili. Engú bini, nedhinga ma abhele lie, ma a'o namene engú bhe na ndili-o. ¹² A la bhadi pi ní moko. Bhú mbia inde-e, ní ngau ohe bulusu bulusu mągito me ní ngatsia 'kpí bhú bitolobi bhende na didili. Engú bini, ekpí akólo makolo ní aú ndu 'he hana má ngilili ne djila ní! Bhú mbia inde-e, imbilangu gba ma-a mbila ndu 'ngú hana de. Engú bini, ekpí akólo makolo ma tsia mbila ndu 'ngú hana má ngilili maka Ebhe ambila ma lie ngae makpe-o!

¹³ Ngú nabu tata-a, ní mbila me ongú bata inde-e yie bhú da o de. Ongú ango-o ngae inde: nabhuka Ebhe, na'o 'to o 'to ani, a la di-e nadu ne mukunda pi ani di ne pi obi o. La-a, bhú káká hana-a, nadu ne mukunda pi Ebhe di ne pi obi o, ane ndu obhe bhisi bhomu-o hana.

14

Nakpokpo 'ngú maka polofeta ane nakpokpo 'ngú bhú oeli gba oandjelu

¹ Yi mene ne kpéke me yi ðu ne mukunda pi obi yi. Yi ðu ne gumu angu li Bu Bhobua ngaha e pi kpála ne kpála ngú nateteke Piga gba Ebhe-o, ane la mane angu nakpokpo 'ngú maka polofeta . ² Kpála inde ngakpokpo 'ngú bhú oeli gba oandjelu ngakpokpokpo pi Ebhe. Ani kpo pi okpála de, anga kpála bini ke mboli engú ani ngakpokpo e de. Ani ngakpokpo bhú angu gba Bu Bhobua ta ongú inde li Ebhe awo ta e mawo-o.

³ Engú bini, kpála inde ngakpokpo 'ngú maka polofeta-a, ngakpokpokpo pi okpála ngubula nabe ndu nabhuka gba uo-o, ngú nato masi bhú uo di ne ngú nateteke bua uo. ⁴ Kpála inde ngagama 'ngú bhú eli gba oandjelu-o ngabe ndu nabhuka gba e kpi e kpi. Engú bini, kpála inde ngakpokpo 'ngú maka polofeta bhú oeli li ndu okpála hana ngadje e-e, ngabe ndu nabhuka gba okpála na Piga gba Ebhe-e libhomu. ⁵ Ma ne gumu me ndu yi hana yi ðu nagama 'ngú bhú oeli u mbila e de. La-a, a nga matá li ma naali me yi ðu nakpokpo ongú maka opolofeta. Padhá de, anga kpála ðu nakpokpo 'ngú bhú oeli gba oandjelu-o, a ayo me kpála koko ðu ngú nambamba tata. I ðu mo-o de-e, kpála bhende ngakpokpo 'ngú maka polofeta ngabe ndu nabhuka gba okpála na Piga gba Ebhe-e libhomu ane mane.

⁶ Ondaise ma, ma yi nga yi: i ðu me ma nde ago agba yi, ma nde ngagama 'ngú pi yi bhú oeli

gba oandjelu-o, tata pi yi tété ne ni? Tata bini ade. A ayo mangbo me ma go kpokpo 'ngú pi yi bhú eli inde yi ambila e, belegu i du engú li Ebhe ambamba ta e muma, i du di-e me ma go ha pi yi imbilangu na mbia, i du di-e me ma go kpokpo 'ngú pi yi maka polofeta, ne me ma go suno 'ngú pi yi, a ayo me yi mbila tata-a ndjindji.

⁷ Yi bhundja nga pindji omavulu mbálá. U du na'u mbálá-a, u 'u li lelele de-e, mo ombila salisali-e lele pi? A bhadi moko pi dumu. ⁸ La di-e, i du me bhulu na'u mbala nde 'u li lelele de-e, okpála aléke lio ngú egú lele pi? ⁹ A bhadi pi yi moko. Okpála aké mboli engú yi ngapa e bhú eli na gandji gandji-e lele pi, i du me u nde mbila eli bhomu-o de-e? A mana me yi ngagama 'ngú pi anvi. ¹⁰ Oeli píla doto kpikpikpi. Engú bini, ndundu hana abhú 'ngú. ¹¹ La-a, li kpála du nagama 'ngú bhú eli inde ma mbila e de-e, kpála bhomu muma ne gandji kpála, ma di pi ani ne gandji kpála. ¹² A bhadi pi yi moko. Maka yi akunda lie ne bua yi hana nasia angu gba Bu Bhobua-a, yi gili naali nadu okpála inde ngabe ndu nabhuka gba okpála na Piga gba Ebhe-o.

¹³ Kaka-a, kpála bhende ngagama 'ngú bhú eli gba oandjelu-o, a ayo me ani yo ka Ebhe angu nambamba ta eli ango-o. ¹⁴ Padhá de, anga i du me ma nde ngayo Ebhe bhú ngua eli bhomu-o, bua ma bhú mayo na paká paká, engú bini, imbilangu gba ma-a li kulu bini ade. ¹⁵ I du mo-o, a ayo me ma mene pi? A ayo me ma yo Ebhe bhú eli gba oandjelu, engú bini, ma ayó di ani ne imbilangu gba ma-o. A ayo me ma li 'tsi bhú eli

gba oandjelu-o, engú bini, ma alí di ne imbilangu gba ma-o. ¹⁶ Padhá de, anga i dɔ me mɔ nde ngagie heni pi Ebhe bha bhú oeli gba oandjelu-o, kpála bhe yi nde ne e bhú 'ti Ebhe-e apá me: «A adɔ moko» li mayo gba mɔ nagie heni-e lele pi me, ani nde mbila engú mɔ ngapa e de-e? ¹⁷ A bana i dɔ me mayo gba mɔ nagie heni-e nde bha babadha naali-e, i dɔ bhú oeli gba oandjelu-o, a be ndɔ nabhuka gba kilí mɔ yi nde ne e bhú 'ti Ebhe-e de.

¹⁸ Ma ngagie heni pi Ebhe anga ma ngagama 'ngú bhú oeli gba oandjelu-o ane ndɔ yi hana.

¹⁹ Engú bini, i dɔ me ya nde apo bhúla ya ne omaha Ebhe-e, ma uu ndjindji me ma pa engú bhuluvue inde li okpála adjé e ne tata ngubula nasuno 'ngú pi uo, ane me ma pa engú ketɔ ndjikpa bhú oeli gba oandjelu.

Pindji nakpokpo 'ngú bhú eli gba oandjelu-o, yi dɔ nabhundja maka obhelesi okpála

²⁰ Ondaise ma, pindji ongú ma apa e pi yi bhomu-o, yi adú abhundja pépé maka ongisi de. Yi dɔ ne odjedje ongisi li pápá na siti 'ngú. Engú bini, yi dɔ ne obhelesi okpála li pápá na nabhundja 'ngú. ²¹ U aye bhú Bhuku gba Ebhe-e me, Ebhe Ngámá apa me:

«Li kpadji gba ogandji okpála ne bhú 'li uo-o, ma agáma 'ngú pi omaha ma.

Abana mo-o, u djé ma de.†»

²² Kaka-a, nagama 'ngú bhú oeli na gandji gandji-e, a ko ehe inde ngasuno mangimbo gba

† 14:21 14:21 Tsia bhú fsa. 28:11-12.

Ebhe-e pi okpála inde i bhuka de-o. La-a, pi okpála bhende abhuka-a, a pi uo ade. Nakpokpo 'ngú maka polofeta-a, a pi omabhuka . La-a, pi obhende i bhuka de-e, a pi uo ade.

²³ I d̄u me yi nde apo bhúla yi ngú nayo Ebhe-e, li nd̄u yi hana holo nagama 'ngú bhú oeli gba oandjelu-o, i d̄u me okpála bhende i mbila 'ngú bhom̄u-o de-e, i d̄u di-e obhende i bhuka de-e go oo, u pá de me yi ne obhul̄u pele-e di? ²⁴ La-a, i d̄u me yi nde ngakpokpo 'ngú maka opolofeta-a, li okpála bhe imbila engú bhom̄u-o de, i d̄u di-e okpála bhe i bhuka de-e go li bhú ká yi-e, u tsia ḱ mboli siti 'ngú gba o-o. Engú inde u ngadje e h́lo bua uo. ²⁵ Ongú inde awo lie li bua uo-o ź li ź 'kṕ. Abhom̄u-o, u tú 'nd̄ji o ne kuto. U tsia dh́ḡo Ebhe ne napa me: «Ebhe bhú ká yi na paká!»

Yi d̄u amene 'ngú bhú Piga gba Ebhe-e li lelele

²⁶ Ondaise ma, ní abú tata-a lele pi? Nedhinga yi apo bhúla yi lie ngú nadh́ḡo Ebhe-e, kpála bini bhú ká yi ti da nali etsi, koko ti da nasuno eli gba Ebhe pi okpála, koko ti da nakpokpo engú li Ebhe ambamba ta e pi ani, koko ti da nagama 'ngú bhú oeli gba oandjelu, li koko tsia mbamba tata. A ayo me yi mene nd̄u 'ngú bhom̄u-o hana da napa me abe nd̄u nabhuka gba okpála gba Ebhe-o.

²⁷ I d̄u me okpála holo nagama 'ngú bhú ká yi bhú oeli gba oandjelu-o, a ayo me a de d̄u okpála bhisi, i d̄u bhisi de-e, a de pise bhú bata. A ayo la di me u d̄u agagama bini bini, kpála bini nde

ngambamba ta 'ngú u ngagama e-o. ²⁸ Li kpála nambamba ta 'ngú bhomu-o du de-e, a ayo me kpála inde i di me gama 'ngú bhomu-o ndjili bhú ká yi má bulu! Aní nɔ́ gama bha bini pi Ebhe agba e. ²⁹ Pi okpála bhe ngakpokpo 'ngú maka opolofeta-a, a ayo me okpála bhisi, i du di-e bata gama 'ngú, amba okpála koko lo doto bhú 'ngú u ngakpokpo e-o. ³⁰ La-a, i du me Ebhe nde asuno engú koko na mbia pi suka yi inde bhú ká yi oo, a ayo me kpála bhende ngagama 'ngú-o 'o nga nagagama, ngubula me kilí ani-e gama 'ngú.

³¹ Kaka-a, yi du nagama 'ngú maka opolofeta, a ayo me yi gama bini bini. Yi mene mo-o ngubula me ndu omaha Ebhe hana sia imbilangu, amba yi to di masi bhú ndu uo hana. ³² Okpála inde ngakpokpo 'ngú maka opolofeta-a, a di bhú uo ne angu ngú nagbite 'bhø o pí engú li Ebhe asuno e pi uo-o. ³³ Padhá de, anga Ebhe kanda de me ní du amene 'ngú pupulu-o de. Engú bini, ani akunda mangbo me ní du amene 'ngú li kúkú. Maka u amemene lie bhú ndu oDadjua gba Ebhe-e hana, ³⁴ nedhinga yi apøkøbhø bhúla yi lie ngú nayo Ebhe-e, a ayo me olisi* ndjili má bulu! U ha kpadji pi uo ngú nagama 'ngú oo de. A ayo me u ndjili ma bulu ngú nadjè 'ngú u ngakpokpo e-o, maka li líli gba Moidje apa lie-o. ³⁵ I du me u nde akunda nambila 'ngú pindji ongú bini bini-e, u de yi obhosi gba o-o akuti. A ndjindji ade me øø

* **14:34** 14:34 Abana li olisi nde lie ne angu ngú nayo Ebhe-e, di ne nagama 'ngú maka opolofeta-a bhú ká omabhuka-a, u ha nani kpadji pi uo ngú nalo doto bhú ongú li opolofeta adu apa e de. Tsia bhú 1 Kol. 1:11, 5.

gama 'ngú bhú makpetse gba omabhuka.

³⁶ Aiya! Ne me yi ngabhundja me eli gba Ebhe-e ayie agba yi, ne me eli ango-o, a ko bha bini na yi 'he kpi yi kpi? ³⁷ Li kpála bhundja me ni ne polofeta-a, ne me ani bhundja me ni asia angu gba Bu Bhobua-a ngú nabe ndu nabhuka gba okpála gba Ebhe-e, a ayo me ani mbila me engú inde ma aye e pi yi inde-e, a ko líli ayie ka Ngámá. ³⁸ Engú bini, ani bhuka mo-o de-e, Ngámá mbila di ani de.

³⁹ Kaka-a, ondaise ma, yi gili ne bua bini nadu nakpokpo 'ngú maka opolofeta. La-a, yi ayóko okpála de me u agáma 'ngú bhú oeli gba oandjelu-o de-e de. ⁴⁰ A ayo mangbo me ndu 'ngú bhomu-o dhuku li lelele, yi améne bhú tolo de.

15

Nabhuka gba ní-e alu pí nazuku gba Yesu Kilisito

¹ Ondaise ma, ma akunda matá nakpokpo pi yi Bádha Ngali inde yi asia e, inde yi adhedhe di lie má kpakala-o! ² Bádha Ngali ango-o ngakobho yi, i du me yi nde ngalilila maka nako ma akpokpo pi yi lie-o. I du mo-o de-e, tata li nabhuka gba yi-e ade.

³ Ma asuno pi yi ongú na ngbengbengbe inde ma asia e ka Yesu Kilisito-o . Engú ango-o me: Yesu Kilisito akpi pindji mugwe gba ní-o, maka u aye lie bhú Bhuku† gba Ebhe-o. ⁴ U azi ani, ani atsia azuku bhú 'kpi na bata maka li Bhuku gba

† 15:3 15:3 Tsia bhú Isa. 53:5-12.

Ebhe-e apa lie-o.† ⁵ Aní azuku lie, aní akoto lí Piele. Pipíta-a, aní akoto lí obhulú titima ndjikpa ne ká bhisi gba e-o.

⁶ Pipíta-a, aní akoto lí omukpata gba e nane kámá bhuluvue mane bhú nedhinga bini. Bhelé na uo nga bha bhúka, okoko amu. ⁷ Pipíta-a, aní akoto lí Djaki, aní atsia akoto di lí ndu obhulú titima gba e hana.

⁸ Pita ndu uo hana-a, aní akoto di lí ma, belegu ma du lie ne tetele kpála de-o. ⁹ Ma ne bhulú titima na yeye ane mane bhú ká obhulú titima-o. A na paká me, ma ti belegu da napa de me kpála 'i ma me bhulú titima gba Yesu-o de. Padhá de, anga ma ato nani mbolo lí Piga gba Ebhe-o. ¹⁰ Engú bini, bhú bádha bhú 'bu gba Ebhe-e , ma maka ma nde lie inde. Bádha bhú 'bu gba aní nani aní aha e muma bhomu-o padhá ade. La-a, ma amene kulu kaka naali nane obhulú titima koko hana. Angu ango-o yie ka ma de, bádha bhú 'bu gba Ebhe-e adú mangbo namene kulu bhú ma ngae. ¹¹ Kaka-a, abana ma, abana obhulú titima koko-o, a bhomu-o Bádha Ngali inde ya ngakpokpo e-o, a la bhadi bhomu-o Bádha Ngali inde yi abhuka e-o.

A na paká me okpála azúku di mazuku

¹² Bádha Ngali ya ngakpokpo e me Yesu Kilisito azuku. I du la me a nde mo-o, lele pi lí okpála koko bhú ká yi ti da napa lie me okpála inde amu-o zúku de-e? ¹³ I du na paká me okpála inde amu-o nde zúku de-e, bhobhomu-o akunda napa

† 15:4 15:4 Tsia bhú Oz. 6:2; di ne bhú Luk. 24:34-49.

di me Yesu Kilisito zuku de. ¹⁴ I ɗu la me Yesu Kilisito nde zuku de-e, akunda napa me tata bini li Bádha Ngali ya ngakpokpo e ade, tata bini la di li nabhuka gba yi-e ade.

¹⁵ I ɗu me Yesu Kilisito nde zuku de-e, amba akunda napa me ní ngapa eu li Ebhe. Padhá de, anga ní ngapa pi okpála me Ebhe azuku Yesu Kilisito bhú ka okpála inde amu-o. La-a, ani mene mo-o de, i ɗu me okpála nde zúku di de-o. ¹⁶ Padhá de, anga i ɗu me okpála nde zúku de-e, bhobhomu-o akunda napa di me Yesu Kilisito zuku de. ¹⁷ I ɗu me Yesu Kilisito nde zuku de-e, bhobhomu-o akunda napa me tata bini li nabhuka gba yi-e ade, yi nga bha sa mangimbo gba Ebhe.† ¹⁸ A akunda di napa me okpála bhende amu me u nde abhuka Kilisito-o, amu ɗuɗuma ne ɗuɗuma. ¹⁹ I ɗu me nganí omabhuka ní nde a'o 'to ní 'to Kilisito bha bini ngubula mukobho inde-e, amba ní ne okpála na likabhu naali nane okpála koko.

²⁰ La-a, a mo-o ade, a bha ndju na paká me Kilisito azuku bhú ka okpála inde amu-o! A ko kpála na gigena inde azuku bhú kuo. ²¹ Padhá de, anga koli kpála bini amene nani me kuo li pála doto, koli kpála bini koko atsia amene la bhadi me okpála amu-o zuku. ²² Ndu okpála hana ngamu, anga ní ne opiga gba Adamu . Ndu okpála hana inde abhuka Yesu Kilisito asía bhadi mukobho ka ani. ²³ Engú bini, kpála ne kpála azúku li nedhinga gba e. Kilisito azuku nani

† 15:17 15:17 Tsia bhú Lom. 6:8-11.

kalanu. Li nedhinga ani agó lie, li okpála gba ani-e tsia zúku di.

²⁴⁻²⁵ Abhomu-o, Yesu Kilisito méne me ndu osisiti angu hana kolo padhá. Ani tsia kó angu e pi ndu okpála na angu hana inde ngagu ani-o. Padhá de, anga a ayo me ani u ngámá akólo bha makolo li Ebhe a'ó ndu obhulu yala gba ani-e lie hana sa 'dhu ani-o. Pipita-a, li 'ngú na doto ndjía. Ani tsia gíe nau-o pi Ebhe 'Dyi e.† ²⁶ Bhulu yala na soso inde li Ebhe abhólø e-e, a ko kuo. ²⁷ Padhá de, anga u aye bhú Bhuku gba Ebhe-e me: «Ebhe a'o ndu 'he hana má kpøkøbhø sa 'dhu ani!†» Engú bini, i du me u nde apa mo-o, a mbámhá me u to Ebhe bhúbhú de. Ani sa Ndili gba e ade. ²⁸ Li ndu 'he hana a akólo lie sa angu gba Kilisito-o, li ngaani makpe Ndili-e, ani tsia 'ó lie makpe sa angu gba Ebhe, ngubula me Ebhe u ngámá pí 'ndji ndu 'he hana má da!

Pindji 'ngú nazuku ka okpála inde amu-o, yi apíte liyi de

²⁹ Okpála koko bhú ká yi ngasia batisimo mada okpála inde amu-o. Uo ngasia ni? I du me okpála inde amu-o nde zúku de-e, uo la ngasia batisimo mada uo ka ni? ³⁰ I du me okpála nde zúku de-e, ka ni ya ngazu likabhu lie ndu nedhinga hana-a? ³¹ Ondaise ma, a na paká me ndu 'kpi hana kuo de ma masikpe. A la bhadi paká me ma ne gindaginda kabula yi akpøtsø liyi lie ne Ngámá gba ní Yesu Kilisito-o. ³² A bhú gudhu na Efeso-o, ma azu likabhu naali sakpa okpála. A mana

† 15:24-25 15:24-25 Tsia bhú Ets. 110:1. † 15:27 15:27 Tsia bhú Ets. 8:7.

mugito me ma adu agu gbele ne onu 'te. I du me ma nde ngabhundja bha bini ndu ongu na doto-o, gbele ango-o ateteke ma lele pi? I du me okpala inde amu-o nde zuku de-e, bhobhomu asuno me engu inde u apapa e me: «Ni zu 'he, amba ni ndji di vino, anga ni amu mambi-e!†» A ko kakulu 'ngu.

³³ Yi apite liyi de. Yi mbila me, mu ko dhuku ne kpala na siti 'ngu-o, mu tagba di siti 'ngu. ³⁴ Yi gie liyi li ngbili kpadji, amba yi amene mata siti 'ngu de. Okpala koko hu ka yi mbila Ebhe de. Ma ngapa mo-o, ngubula me yi sia numu.

Bhu nazuku ka okpala-a, kute ni adji lie na mbia

³⁵ Kpala bini ti da nayi ma me: «Okpala inde amu-o, azuku lele pi? Kute u azuku ne e adu lele pi?» ³⁶ Ma gie pi ani me, ngamu-o, mu ne ngingi. Ngua inde mo olu e ti da nako-o de, i du me a nde zi de ko. ³⁷ Ngua inde mo olu e, i du di-e dadha, i du di-e ngua koko-o, mu ngalu bha bini lili. Mu lu lala bhende ako-o de. ³⁸ Pita li ngua ako lie, li Ebhe ha pipi lala na mbia maka ani akunda lie. Ani ngaha pi ngua ne ngua 'la e makpe.

³⁹ Kute ndu 'he hana inde hu mukobho-o bhadi kpi kpi kpi. Kute kpala-kuti kpi ne bhende gba onu, bhende gba odhu di ne bhende gba osungu. ⁴⁰ A ne oehe inde na abhula, a la di ne oehe na kuto ei. Bada gba oehe na abhula-a kpi ne bhende gba oehe na kuto ei. ⁴¹ A li ela ne zi e, a li epe ne zi e, a la di li oikupala ne zi o. Belegu hu ka oikupala-a, zi uo kpi kpi kpi.

† 15:32 15:32 Tsia hu isa. 22:13.

⁴² A adú bhadi moko li okpála amu-o azúku lie-o. Kute inde u azi e azí mazi. Kute inde azuku-o zí matá-a de. ⁴³ U azi maka ehe li tata nde lie naali ade, li angu nde bhú e ade. Li azúku lie-e, a abédhe ne angu, i tsia dú di babadha. ⁴⁴ Nedhinga nazizi-e, a ko kute na doto. Li azúku lie, a adú kute inde li Bu Bhobua ngaha mukobho pi e ngae. A ne kute na doto, a la di ne kute inde li Bu Bhobua ngaha mukobho pi e. ⁴⁵ A maka u aye lie bhú Bhuku gba Ebhe-e me: «Adamu nani ne kpála-kuti na kalanu, ani asia mukobho ka Ebhe.†» La-a, Kilisito u a'i e me Adamu na bhisi-e abedhe ne Bu Bhobua, ngaani-e, ani ngaha mukobho pi okpála.

⁴⁶ Ehe na kalanu inde u ngau e-e, a ko kute na doto. Pipita-a, u tsia ú la kute inde li Bu Bhobua ngaha mukobho pi e-o. ⁴⁷ Adamu, kpála na kalanu li Ebhe abho e nani ne kpála-kuti, Ebhe abho ani li doto. Kilisito, Adamu na bhisi-e ayie naae abhúlá. ⁴⁸ Kute okpála-kuti maka kute kpála li Ebhe abho nani e li doto-o. La-a, kute okpála inde azúku ngú nanu abhúlá-a, adú bhadi maka kute kpála inde ayie abhúlá. ⁴⁹ Mbia inde-e, ní maka kpála inde li Ebhe abho e li doto. Kpí bini, ní adú bhadi maka kpála bhende ayie abhúlá-o.

Ngámá Yesu Kilisito aha angu kuo

⁵⁰ Ondaise ma, ma apa pi yi me kpála-kuti lí bhú Nau gba Ebhe-e ne kute na doto inde-e de. Kute inde nazi mazi-e ti da nadu duduma ne duduma de.

† 15:45 15:45 Tsia bhú Dje. 2:7.

⁵¹ Yi gbo nga dje yi, ma adji nambamba pi yi inde ta 'ngú inde li Ebhe awo e nakolo pi mbia inde-o. Ní mú ndu ní hana de,† engú bini, ndu ní hana, kute ní adjí lie madji, i tsia kólo na mbia. ⁵² Engú ango-o améne lie bhú nedhinga bedi, maka nakopo ka djila, nedhinga u a'ú toti na soso lie-o. Li a aú lie, okpála inde amu-o azúku ne kute inde i kpí matá-a de. La nganí bhende bhú mukobho-o, kute ní adjí lie na mbia. ⁵³ Padhá de, anga a ayo me kute ní inde nakpi makpi inde-e dji lie, akolo kute inde i kpí matá-a de, i tsia zí la di matá de.

⁵⁴ Nedhinga li kute nakpi makpi-e akólo lie kute i kpí-i de-e, li kute nazí mazi-e akólo lie kute i zí-i de-e, li engú inde u aye e bhú Bhuku gba Ebhe-e tsia kólo mbámbá. U aye bhúbhú me: «Ebhe aha angu kuo aha, kuo matá ade.†» ⁵⁵ U aye mata di me:

«Oo kuo! Angu mu mo oko pí okpála ne e su?

Oo kuo! Angu mo obhibhili okpála ne e su?†»

⁵⁶ Angu li kuo ngabhili okpála ne e-e, ngayie ka siti 'ngú. Angu li siti 'ngú ngabhili okpála ne e-e, ngayie bhú líli gba Moidje . ⁵⁷ La-a, a ayo me ní toko Ebhe inde amene me ní ha angu siti 'ngú di ne angu kuo kabula Ngámá gba ní Yesu Kilisito-o!

⁵⁸ Abhomu-o, ondaise ma na mukunda, yi lu kpekpeke, u apíte yi de. Yi nu ndu kpí hana ne kulu gba Ngámá-a ne kalanu. Yi mbila hana me kulu inde yi ngamene e pi Ngámá-a, nú padhá de.

† **15:51** 15:51 Tsia bhú 1 Tes. 4:15. † **15:54** 15:54 Tsia bhú Isa. 25:8. † **15:55** 15:55 Tsia bhú Oz. 13:14.

16

Tia inde ayo napo e pi omabhuka na Yelusalema

¹ Ma adji apa mbo engú inde-e pi yi pindji tia inde yi ngapo e pi omaha Ebhe inde bhú Yelusalema-o. Yi mene matá maka ma aha nako líli lie pi omabhuka na ndu doto na Galatia-o.†

² Ndu 'kpí yinga hana, a ayo me kpála ne kpála 'o mbo té tia inde ani asia e li ngongo, nakpata lele bhende li Ebhe aha e pi ani-o. Yi wo tia bhomu-o nganda yi, ngú napa me ma gó lie, ní apó matá bhúla tia de. ³ Nedhinga ma kólo lie agba yi-e, ma ayé balua pindji tia bhomu, ma tsia tíma okpála bhende yi alo o bhú ka yi-e ne di ngú nanu na'o'o abhú Yelusalema. ⁴ I yo me ma nu di-e, ya anú ne uo bhú dabili bini.

Onú inde ayo me Polo nu e-o

⁵ Ma agó agba yi pita nakodho 'kpí ka ma bhú ndu doto na Makedonia, anga ma apú bhú ndu doto bhomu. ⁶ Nedhinga koko-o, ní adú mbo ne yi ngú nedhinga bedi. Koko-o, ní adú ne yi oo ngú nadjeke me nedhinga na zini-e kodho 'kpi. I du me ní nde asi ekpí bhe ayo me ní si e ne yi-e asi-e, yi tsia teteke ma ngú nanu li obili bhe ma adji lie-o. ⁷ Padhá de, anga mbia inde-e, ma kunda bha nau yi ne nakodho 'kpí ka ma makodho de. Ma ngabhundja me, i du me Ebhe nde akunda-a, ma de go sidi, amba ní bhue mbo ne yi ngengele.

⁸ Mbia inde-e, ma ngabhundja me ma du nga bha bhú Efeso si nakolo bhú 'kpí na Patekote.

† **16:1** 16:1 Tsia bhú Lom. 15:25-26.

⁹ Padhá de, anga Ebhe abhulu 'bho 'ti muma mbámbá ngú namene kulu gba ani-e ne angu ma hana si, belegu li okpála bhelé nde lie ngagu kulu ma ngamene e lie-o.

¹⁰ Kaka-a, li Timoté kolo-o, yi mene me ehe bini ato zini bhú ani agba yi oo de, anga ani ngamene kulu gba Ngámá-a maka ma ngamemene lie-o.

¹¹ Kpála bini aú ani bhú djila e padhá de. Yi teteke mangbo ani me ani dhuku bhú guo 'ngú ngú nakolo li bili ma nde lie-o, anga ma ngadjeke ani ne ondaise ní inde u agó ne o-o.

¹² Li 'ngú bhende atsia ndai ní Apolosi-e, ma ayo ka ani bhutsibhutsi me ani nu agba yi bhú dabili bini ne ondaise ní koko ngú natsia yi. La-a, ani kunda nga nanu oo mbia inde-e de. Ani sia nedhinga-a, ani tsia nú.

Polo yi matá omabhuka na Kolito mayi

¹³ Yi du li zuku, yi lu kpekpeke bhú 'bu nabhuka , bua yi adú ne tsulu de, yi du ne angu. ¹⁴ Yi mene ndu 'ngú yi ngamene e hana ne mukunda.

¹⁵ Ondaise ma, yi mbila Etieni ne uo ne piga gba e hana. Yi mbila hana me u adji nani bua o bhú ndu doto na Akai kalanu ngao, u atsia aha lio ngubula nateteke omabhuka. Kaka-a, ma ayo ka yi me: ¹⁶ yi manga ongua okpála bhomu-o mamanga. Yi manga di okpála inde ngamene kulu ne kekele bhú dabili bini ne uo mamanga.

¹⁷ Ma ne djali naali li nago nako ka Etieni, ne Folutunasi ne uo ne Akaikusi-o. Ma ngau uo lie, a mana mugito me ma ngau yi ndu yi hana. ¹⁸ U ato masi bhú ma maka u ato di nako masi bhú

yi lie-o. Ongua okpála bhomu-o, a ayo bha ndju namanga uo mamanga.

¹⁹ ODadjua gba Ebhe inde bhú ndu doto na Adjia yi yi ma yi. Akwila ne Pilisila bhú dabilí bini ne omabhuka inde ayoyo Ebhe agba uo-o, yi yi ne 'li Ngámá mayi. ²⁰ Ndú ondaise ní inde ei hana yi yi ma yi. Yí yi lí yi sùnda yi ne nakama liyi lí kute yi.

²¹ Ma yi yi ma yi. Engú inde ma aye e me ma yi yi mayi bhomu-o, ma aye ne 'kpa ma makpe.

²² I dũ me kpála nde kũnda Ebhe de-e, u de tũ pedje lí ani! Malanata: a ayo me Ngámá gba ní-e gógo! ²³ A ayo me bádha bhú 'bu gba Ngámá Yesu-o dũ bhú dabilí bini ne yi. ²⁴ Ma kũnda ndũ yi hana naali ka ní akpõtse liní ne yi lie bhú 'bu Yesu Kilisito-o .

Gandja na Mbia
Mayogo: Gandja na Mbia (New Testament)

copyright © 2020 Wycliffe Bible Translators, Inc.

Language: (Mayogo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

6b4904fb-f8ce-5931-8218-7cee8914232c